



歸經識畧 第二冊

目次

卷七 北部 陵墓

卷八 城郭

卷九 壇廟

卷十 寺塔

卷十一 公署

卷十二 官學

卷十三 義學

卷十四 教場

卷十五 倉儲

卷十六 田賦

一

八

十

十六

二四

二六

二八

三三

三六

三六



卷十七

市集

四〇

卷十八

賽社

四五

卷十九

濟鄣

四九

卷二十

村莊

五一

卷二十一

卡倫

七〇



663352

歸經識畧卷七

崞縣張 曾小表初輯

地部

陵墓

燕太子墓通志府志俱言在口外榆林城相傳即燕太子丹也史記丹使荊軻刺秦王不克秦遂去破燕代兵進圍薊拔之燕王走遼東斬太子丹以獻於秦越二年秦王賁滅燕還滅代此地在代西北近秦北邊或師旋葬此如韓侯嶺葬淮陰侯事或曰此北魏時慕容燕太子也晉孝武帝太元二十年燕太子寶去魏九月魏王珪將兵拒之盡坑其衆寶車騎僅免或魏人張大其事得其似太子者而葬之以壯軍威亦未可知此外不聞有燕太子來邊外

事大同府北亦有榆城

青冢在歸化城南二十里黑河側高十餘丈土色黝然望之如山  
曰說以塞上草白惟墓草獨青故名今無草墓前有石馬一石幢一殘  
缺不全石碑三俱近代立遼史地理志豐州有青冢即王昭君墓  
也漢書昭君名嬙南郡秭歸人元帝時以良家子選入掖庭數歲  
不得見御積悲怨會匈奴呼韓邪來朝帝勅以宮女五人賜之昭  
君乃請掖庭令求行呼韓邪臨辭大會帝召五女以示之昭君豐  
容靚飾光明漢宮頌彩徘徊竦動左右帝見大驚意欲留之而難  
於失信遂與匈奴号寗胡閼氏生一男伊屠智牙師為右日逐王後  
被異母兄囊和牙師烏珠留若鞮單于忌殺呼韓邪立二十八  
年建始四年死其前大閼氏子雕陶莫皋立為復珠系若鞮單于  
欲妻之昭君上書求歸成帝勅令從胡俗遂復為後單于閼氏生  
二女長女云為須卜居次小女為當于居次須卜當于匈奴大族

居次猶漢言公主也帝時王莽秉政欲悅王太后乃諷單于令遣  
昭君女須卜居次出入侍太后喜賞賜甚厚云婿匈奴右骨都侯  
須卜當王莽時拜為須卜單于西京雜記元帝後宮既多不得常  
見乃使畫工圖形按圖召幸之諸宮人皆賂畫工多者十萬少者  
亦不減五萬獨王嬙不肯遂不得見匈奴入朝求美人為閹氏於  
是上按圖以昭君行及去召見貌為后宮第一善應對舉止閑雅  
帝悔之而名籍已定重信於外國故不復更人乃窮按其事畫工  
皆棄市籍具家貲皆巨萬畫工有杜陵毛延壽為人形醜好老少  
必得其真安陵陳敞新豐劉白龔寬並工為牛馬飛鳥象勢人形  
好醜不待毛延壽下杜陽望亦善畫尤善布色樊育亦善色同日  
棄市名畫工於是差稀茂鷗雜識謂單于求娶昭君漢帝吝不與  
取宮人近似者以往單于寵之後成帝欲殺毛延壽延壽逃出國

單于用之于以近職後侍宴昭君出幕行酒延壽進言曰此昭君  
非真漢帝嘗令臣圖其形顯問有一紅痣今無之其偽顯然且真  
昭君美更勝于此單于大怒大罵漢人欺我立將假昭君賜死使  
延壽圖形入漢必欲得真者始和親退師漢帝無計乃出真昭君  
容華固稱絕代也昭君入胡後不肯與單于婚單于逼之乃自刎  
而死又別傳有呼韓邪死後單于欲娶之昭女不從胡俗飲藥而  
死之說諸家聚訟不一惟漢書有元帝以王嬙賜單于為閉氏詔  
南軒集異有王嬙上漢元帝書則葭鶡雜識所紀恐後世傳述之  
訛不若孟堅雅川兩家可參酌而得其實也尤西堂作青冢銘以不  
從胡俗而死立意是為昭君見身分處奉使日記城南員郭有黑河青  
冢古蹟遠望嘉山策馬往觀高二丈濶數十畝頂有土屋一間四壁  
累砌歲以瓦甃此刺麻所為也今下古柳一株眠地中空如船而

枝幹上伸蒼茂如虬無冢前石虎雙列似石馬之誤白石獅子謹存其

一光營精工必中國所製以賜明妃者綠琉璃瓦礫狼籍似享殿

遺址惜無片碣可考石磴有蒙古字譯為刺麻所作今俱無宋牧仲

筠廊隨筆嘉禾曹秋岳嘗至昭君墓秋岳曾官山西陽初道距墓數百里墓無草

木遠而望之冥濛作黛色古云青冢良然是足以破墓草獨青之

謬而形容語妙非親歷者不能道也又曰墓前石案刻某廩氏之墓

為蒙古書疑即奉使記所謂石磴悉所見若石墮者未是石磴

秋岳考繹最詳曾搨數紙歸迄今不二百年而石案又不可得惜

哉通志在古豐州西六十里與今里數不合且與甸城碑亦大相

刺謬至府志擬毛延壽畫圖等語不知何據其固陋更不待言矣

志言青冢有三瓦刺地方及黃河西岸復有兩處與土人傳說畧

同土人更謂各自朝至暮遠望此冢若數易其形者悉未之辨也



問其附會更不足信

附漢元帝以王嬙賜單于為閼氏詔

白奴郭支單于背畔禮義既伏其辜寧韓邪單于不忘恩德鄉

慕禮義復備朝賀之禮願保塞傳之無窮邊垂常無兵革之事

其改元為竟寧賜單于待詔掖庭王嬙為閼氏

附王嬙上漢元帝書

臣妾幸得備身禁宮謂身依日月死有餘芳而失意丹青遠家

異域誠得捐軀報主何敢自憐獨惜國家黜涉移於賤工南望

漢闕徒增愴結耳有父有弟惟陛下幸稍憐之

窮究其事亦盡工又近化育名媛尺牘亦載此書外別有一書

陛下命搜京師畫工下之金吾此輩小人耳即五年死罪亦何

也妾今別矣妾至漢國效月支女主絲烏桓幸一柏胡第一曲

此書見南軒集  
異謂帝見書始

間

亦不

年

琵琶音若蒼之腔  
存丹雷上謝君工之德  
下注父母之恩  
千衣  
才歲傳我陛下有女  
臣婚持節  
庭度幾俾  
霍驪姚姪  
介子不  
猶痛快於惟  
煙燕和金屋  
藏嬌者  
戲與  
此書另出一手  
文人寄託  
意見各別

附尤侗書冢銘

侗自展成子  
悔菴一子  
西堂長洲人  
明季諸生  
順治中由拔貢生授  
永平府推官  
為徐立齋元

文受業師

世祖章皇帝聖稱許之所作有西堂雜俎等集行世

有美一人爰生三楚家  
近湘君村連婆女雲上  
鬟嬌山來眉嫵

瓠齒能歌弓腰善舞  
年華似月極晚如霞  
頭宜搔玉腕稱封紗

朝陽驚艷結綺羞花  
徘徊鸞鏡躑躅羊車  
紅粉難逢丹青易玷

黛短雙蛾朱殘半面  
未卸金環先捐紈扇  
妾人自悲君王不見

春風永卷秋雨長門  
珠簾晝捲銀燭霄昏  
淚零宮草夢斷紅蓀

不妃赤帝願嫁烏孫  
漢室和親匈奴請后  
狗監僱粧姪娥折柳

擁髻升車光射左右  
天子拊解呼韓  
稽首生辭金屋遠適玉關

蕭條紫塞迢遞青山  
笳吹忽起馬鳴不前  
驚沙匝地哀雁橫天

鴨綠江邊漫薤山下貂帽狐裘角弓玉玦錦繡夫人胡服騎射  
亂點酥醅輕飄蘭麝月高圍屋雪滿拂廬琵琶細語垂首耀瑜  
闕氏一笑醉倒單于左賢色動比妓強謝朔漠霜寒帝京雲杳  
凜々北風依々南鳥碧眼方嬌紅顏易老旗車晚出毛摧夜鷲  
悲來別鶴愁去聚麈甯甘仰藥豈忍抱禰竟埋沙蹟取望玉鉤  
魂兮歸未歸彼歸州神邀故鄉形銷絕域墓草青青々三年化碧  
漢使傷心胡兒嘆息恩怨千秋聲傳玉笛

附通志青冢辨

青冢漢明妃墓也宋遼以來諸史多言青冢今在歸化城西南  
十餘里黑河之側夫歸化城漢五原郡地距幕北絕遠而宋史  
云太平興國八年豐州刺史王承美敗遼師追北至青冢百餘  
里遼史神策元年八月太祖拔朔州勒石紀功於青冢之南西

京志亦云豐州有青冢元史太祖十四年駐軍青冢絲東勝渡  
河收西夏合諸史覈之其地胥近歸化城此又何說也按漢史  
甘露元年呼韓邪歆塞願留居光祿塞下保漢受降城而北邊  
患警者六十餘年豈其時王歆輩實導之而遂克反葬與抑好  
事者艷青冢之名鑿空駕虛流傳至宋遼遂援為典要與老杜  
云一去紫屋連朔漠獨留青冢向黃昏曰一去曰獨留似有疑詞  
聞嘗詢之商旅塞草皆黃未聞此草獨青也然則志其名無鑿  
其地可也

立原句疑誤幕與漢同作詩與考據異  
必謂一去獨留等字為疑詞疑亦近鑿

### 附媻字考畧

元帝紀作媻匈奴傳作媻今承用作媻疑嬪妃媻御之稱  
非名媻說文無媻字亦無媻字尤氏傳紀瀛媻御唐石經  
本作牆古止有牆字後人始作媻為嬪妃之稱元帝紀恐



誤

北魏太祖金陵迥鑑晉義熙六年九月甲寅葬魏主珪於盛樂金

迥志從魏書太祖元年營梓宮木杪盡生成林太祖葬盛樂公

明皇后賀氏亦葬盛樂餘俱葬雲中金陵輯要謂北魏金陵在

古盛樂城西北永興二年葬道武於盛樂金陵與魏書同曰其後

元明太武文成獻文皆葬於此則誤矣正光五年宣武帝言寇連

河朔迥近金陵似於盛樂較近今未詳其地府志無清水河西

二王墓相距十數里村  
以是名未詳為某王

唐振武軍節度使墓奉使日記距青冢十里有振武城廢址河水

窟沙出碑曰唐振武軍節度使墓聞誌亦漢字棄置河干故索其

碑察其控馭扼要之處而僧以座圖不得出餘無識者按此紀則

北尔时尤可辨認其通里亦與史傳符合惜此碑不知埋沒何處  
笑句或碑入曰都督署先此亦不過數年何有年首不幸耶

焦贊墳在吳公壩口內宋史未見其名小說家樂道之謂與孟良同隸於楊延昭麾下北邊古蹟如此類者尚多真贋不足辨也

元朝帝后陵在大青山北奉使口記入祁連山有土城廢址疑即碑所云甸城也遠望石峯疊翠入其中則平阜蜿蜒相傳元世帝后俱潛厝北山而不立陵名又官山九十九泉側有榆樹二株如蓋累石豎旗云是蒙古祖冢

公主墳在歸化城東鄉買岱村距城七十里府志所云康熙中下嫁額駙策倫敦篤者也

班都統墓在大黑河村南里許有屋數楹四壁累砌有隙向窺之內有如瓶形者三蓋土塔瘞骨者外十餘冢高尺許石碑二一蒙古書一滿漢書諭祭文旁有小碑字多剝蝕文義亦不可解府志謂都統世襲**精奇尼哈番墓**在口外黑河南岸即土默台袁朝庫

兒有御製碑詢之士人功無知者後聞大黑河南有丹府墳墓一  
所意當為都統丹津葬地及趨視之乃諭祭右翼都統班達爾什  
與左翼丹都統無涉傳聞之不可信如此蒙古王公表傳班達爾  
什卒於乾隆十九年府志成於雍正十一年其所云都統世襲精

奇尼哈番墓當在根棟以前

詳土默特門

惟此外不聞有御製碑俟考

烈女墳在歸化城南東嶽廟側有小石坊為烈女尚氏立今與墓  
碑俱傾仆矣碑字剝落已不可識詢知為嘉慶初年事曰隣潘媪  
之女姪談其事頗詳云媪所親見也烈女受某氏聘數年父固賤  
役且貧乏不能自存別以女許某氏女聞之詢媪媪具以告女泣  
下媪慰之且賀之也女歸佩前所受聘簪珥哭其母竟日夜自縊  
死女父呼媪救之弗及聞諸官杖父而旌其女

書歸綏志古蹟陵墓後

崞縣張

曾小袁

古人有言生寄也死歸也至骨肉復歸於土而生人之事畢  
死者之名姓亦與之俱盡矣乃越千百年後過其地者若復  
愛之護之憑吊而詠歌之相與流連嘆息而不忍去其故何  
也歸終古中外戰爭地其間水火鋒刃風塵埋沒固不啻恒  
河沙數至一二忠魂毅魄豈無人也為之收碧血而葬衣冠  
耶况自漢魏以來割據不一外蕃君臣與中國爭強盛豈生  
前赫赫而死泯泯竟不得一抔之土為後人所瞻望而指數  
耶抑果有幸不幸耶此間惟北魏盛樂金陵為史冊所紀乃  
以受降累築橋山雖在已難覓弓劍之藏奇渥溫氏崛起和  
林自太祖至寧宗歷代帝后葬起犖谷而外傳聞訛錯無徵  
不信迨來塞上獨明妃一家靈光巍然奈歷年來野火春風  
亦無復青青色矣爰取文人筆談所及并近今有名可指者



次第識之庶幾無遺朽云

歸綏識畧卷八

崞縣張 曾小表初輯

地部

城郭

歸化城明萬曆十四年忠順夫人三娘子所築相傳唐時盧世德  
所建豐州城故址誤矣城周三里許高三丈余曰南北兩門年久  
坍塌廢經土默特左右翼與六招刺麻台吉等三佐領下人於舊城  
南增設外城色東西南三面築牆開門東曰承恩西曰柔遠南曰  
歸化北曰建威俱築樓其上以曰南門為鼓樓顏曰威固康熙三  
十年工竣報部乾隆元年重修蒙古語名胡土河通奉使記作庫  
庫河通乾隆六十年改為庫克河通

綏遠城雍正十三年新築乾隆二年工竣周圍九里餘高二丈九

尺五寸門四東曰得樹南曰仰口西曰控河北曰吞山門各有樓  
東迎旭南承薰西阜安北鎮寧角樓亦四

托克托城即脫々城明嘉靖中俺答義子恰台吉名脫々駐牧此  
城故名周圍約十里許今城垣頽廢不全俗傳曰本鞏城後移其  
鞏修右衛城今朔平府城是也此語無所考與歸化城為婁師德豈  
州曰地之說俱傳自土默特疑即明正統中以邊外玉林雲川兩  
衛內徙為左右衛之訛

按城郭之制所以捍外侮也淮南子謂城始於鯀春秋城成  
必書義綦重矣雖孟子言城郭不完非國之災然以三里七里  
環攻不勝非恃此增陴濬隍之力而何口外古北番地視水  
草為游牧遠徙不常秦漢以來毘幕變為板築荒郊騰壘所  
至猶存今更分作五廳制同內地非有城郭之固將何以捍

我牧圍迥自綏遠城駐防而外和薩清俱無城托克托雖有  
土城難資保障歸化惟副都統一官尚在城內其餘公署倉  
廩監獄市廛俱在城外雖復時啓閉謹出入北門鎖鑰實於  
地方無裨因古今民人積習漸次不同古以守禦為先今惟  
逃避事務古昔有事則舉四鄉民物群率而歸之於城以為  
協力保衛之所今則風聲鶴唳稍有聽聞則在城者群起而  
避諸鄉若以此屹々垣墉乃昔人所設為聚族而殫為之地  
無惑乎以不急之務視茲城郭稍有測將堅壁清野之謂何  
矣哉

太宗文皇帝親征察哈爾諭土默特左右翼都統謂爾等所守  
城小濠狹勢難禦侮宜於城外建築層垣以資捍衛工竣之  
日內城外垣巖々防守敵不敢窺伺煌々天語取以綢繆

未雨而思患預防者豈獨為歸化一城而言凡在邊陲所慮  
恪遵令塞上幸當無事之日固不啻衆志成城然有時攘竊  
穿窬獄囚逃越烏得謂非官民野處之故乾隆初各省督撫  
奉部議令民自行修城想爾時寥々邊氓子來無力今則人  
烟稠聚雞犬相聞車書一統之盛亘古未有居斯土者當何  
以期永固耶

歸綏識畧卷九

崞縣張 曾小表初輯

地部

壇廟

先農壇歸化城東南二里許雍正五年都統丹津奏立東西澗十五丈南北長三十丈中為壇有正殿三間東殿三間東西奏樂房各一間大門一間

孔子廟宋雍熙七年番漢都指揮王承美破契丹兵於豐州追至青冢百餘里明年復去敗之於豐州置孔子廟見宋史今文廟係國朝雍正五年尚書通智與都統丹津奏立在城南門外二里許路西正殿三間東西廡各三間後殿三間後殿東為井亭西為祭器庫正殿前泮宮門三間東西兩小角門東名宦祠三間西鄉賢

祠三間門外有橋一下為泮池東西齋房各一間櫺星門三間東  
西兩小角門外東西兩轅門與南照壁相連正殿祀至聖先師孔  
子暨四配十哲東西廡祀先賢先儒後殿為崇聖祠每歲春秋仲  
月上丁本城副都統率官致祭乾隆三十九年道光四年重修

碑記初歸化城商民卜地片材為都統丹津建立生祠故人  
所奉費大將軍者奉之都統固辭弗許而材木俱已齊備勢  
難中止乃與尚書通智奏請改建文廟嗣後重修經費俱奏  
用土默特庫存正項春秋祭祀亦副都統主祭

漢壽亭侯廟府志有二一在小東街一在茶坊今小東街廟內增

祀神馬神金龍四大王酒仙觀音大士茶坊分東西南北俱祀壯

繆西茶坊增祠三官孫臏韓工所記南茶坊增祀釋迦佛瘟神太上老

君金銀銅鐵錫魯班吳道子羅真人雜髮工所記軒轅黃帝雜工所記北茶

坊先於兩廡增祠財神及馬牛羊三神後於東院正殿專祀財神  
又東專祀牛馬羊三神皆高賈百工藝幸報賽之所香火極盛唯  
東茶坊頗形寥闕疑就近有三郎廟唐元宗盜跖廟俗呼為白眉神為倡優  
所祀特遠之以避嫌耳

奉使日記謂城南有閼夫子廟留帝誌二冊使遠人知忠義  
住持漢僧闕暹有蒙古婁室其弟子二人亦然今無此俗矣  
或聞金龍四大王為河神按神姓謝名緒行四南宗諸生嘗  
讀書金龍山下殉國難歿而為神河神之曾膺封号列在  
祀典者也惟馬牛羊三神概以王稱殊覺不典相傳某處有  
冉伯牛祠土人呼為牛王而於壁間畫百牛以象之是以田  
子方為蚺蚺神者同貽笑柄矣竊謂文昌魁星俱以星宿而  
享神祇之奉今且升為中祀與文武廟同則高賈市販之欲



馬牛羊蕃息者何不竟於天苑十六星祀之耶

玉皇閣在城外西南今前殿增祀三官東祀三皇及歷代名醫西祀金華聖母過殿祀灵官及子孫聖母餘祀真武雷神火神馬神及觀世音菩薩

三賢廟即三義廟在南大街東小巷內今增祀觀世音孫真人井神倉神

三義以漢昭烈帝及關張並祀識者已懼其失君臣之禮今曰三賢更非歷代褒崇之義矣宜改正為是

財神廟在無量寺前東小巷今北茶坊十王廟俱有之

十王廟府志在城外西街今名小北街廟在西小巷內祀地藏王菩薩及十殿閻羅王東西殿祀火神財神子孫聖母

三官廟在隆壽寺東北前殿亦祀吐繆迄西為魯班廟又西為子

孫聖母廟再西為邊甯寺祀觀世音過殿祀真武馬神及凶壯繆其地即名三官廟街

龍王廟有二在海窟北者曰南龍王廟內附祀風雲雷雨八蜡馬

神鄧侯

善後所記

蔡倫

紙工所記

眼光

菩薩

廟前有文昌閣魁星閣在西茶

坊北者曰西龍王廟距同知署里許雍正中建中祀龍神東祀八

蜡西祀風神廟西北有村即以廟名

或聞八蜡廟多附祀劉猛將軍此何神也按宋封江淮制置使

劉錡為楊威侯天曹猛將之神主八蜡以驅蝗有功農民多崇

祀之

東嶽廟在城南漏澤園側廟前為城隍行宮每歲清明中元十月朔為祭厲所旁有小廟祀孤魂

城隍廟在城北門外雍正中建

賈公祠在財神廟西康熙中商民為撫遠大將軍賈襄壯公建立  
生祠公歿即塑像以祀東西望丹都護津齊觀察布森像道光十  
二年大學士松文清公筠奉使來城商民繪像附祀於此

附鄭祖儵賈公生祠碑記

祖儵字惠菴古玉人父崇雅為武陵  
丞卒於官儵走數千里負骸骨歸家

貧苦學中康熙壬午  
科舉人官曲沃教諭

叢首噶尔丹遠阻聲教頻年跳果侵擾各蒙古部落以致九邊  
柝起灞上烽然邠連以北俱為鋒鏑之場矣

天子赫然震怒推轂委大將軍駐劄歸化城凡內外滿漢官及蒙  
古部落咸屬調遣時甲戌季春也自大將軍出鎮邊外雞犬不驚  
貿易文錯兵無遺餉之患民鮮輸輓之苦且秉雄謀具遠畧威儀  
外嚴風神內照謙光下物赤心示人無論官兵軍卒咸被仁風而  
遵紀律焉不料渠魁負固屢犯

天朝雖逞螳臂之威恐為尾大之釁

皇上親統六師深入不毛勅命大將軍會合各路協力剿除三十  
五年五月十三日登壇誓衆指揮三軍於昭磨多地方矢石並  
集白刃交前殄數年之狡寇解生民之怨讟積甲如山尸封塞  
河大將軍復深入巢穴收合餘燼俾遺孽途窮銜壁軍前皆畏  
威仰德共待

皇恩向之窺伺中夏憑陵同盟者莫不一朝底定也奏捷後  
御駕凱旋復以大將軍精忠性成壯武夙具其密謀碩畫素匡贊  
於

宸聰者不可枚舉但鶻奔竄之黨匿形山谷遺患將來命留鎮邊  
庭以防復作封為撫遠大將軍凡滿漢諸軍既蒙用命之賞復  
被投醪之惠而將軍則揚旂瀚海擊馬陰山嚴刁斗而守烽燧

朝夕無暇逸為方將軍之用兵也三令五申不拘孫武曰書請  
合衛霍方畧是以拓境邊外懾服遐方且器量深沉知人善任  
山藪無棄芑苴不行兵不取欺盜不取發於歸化城駐節數載  
高實駢集泉貨流通荒萊既墾黎民育兵革之餘條成繁華  
之地雖古之紀功狼居胥勒石燕然山者未若斯之盛也三十  
六年八月十一日晉為內大臣一等公三十七年二月初一日  
皇上眷念封疆大臣久駐塞外特命迎歸熟第朝夕啓沃凡塞外  
兵民高實共深河內之請回念黎陽之別將軍以

皇命諄々不違久滯與故老營弁多方勸諭撫恤相別凡經過之  
處無論老幼莫不攀轅迎頌歡聲四起頌將軍之德皆載

天子之恩於無疆也至於今塞外屢聞撲地歌吹動天皆將軍之

遺惠所垂維

朝廷屢頒寵眷之典而草野詎忘涓埃之報於是營方面吉地選

山澤良材命虞衡之匠引靈勳之司建造祠堂以紀宏勳而慰

民望祠成凡軍民商旅仰瞻其下者無異昔年惟愷鼓吹時也

首事人等欲勒諸貞珉向序於余僅以管窺之見述其大概云

尔至大將軍平生事業翊贊忠蓋俟請麟閣之紀焉

此記未見石刻惟以

粉書木板做碑式立南道側字一  
邊邊幾不可讀存志似有訛錯

按我

朝大清會典於社稷先農先師天神地祇歲鎮海濱名山大川

俱有直省常祀禮節各府州縣志俱首重學校以文廟為學

宮之主而名宦鄉賢忠義節孝及文昌魁星諸祠因類相附

其餘風雲雷雨山川社稷城隍祀典所及祈報在焉我

朝日明代曰制設近郊三壇并崇奉武廟及諸神祠宇有靈星

者亦聽民祈禱弗禁以故農祀龍神牧祀馬神驅疫者祀瘟神祈嗣者祀子孫聖母至百工技藝亦各祀其所紐始之人以為崇德報功祈福之舉而神祠香火幾徧天下非鬼之祭所不免矣歸化城惟雍正初設立先農壇於東郊而社稷山川俱未之及祀典之闕也殊甚至文廟為土默特主祭兩廡從祀遺漏殊多名宦數粟主亦未經入奏率以長生祿位送入鄉賢則僅存祠名無所崇奉以故學校一門未能專立謹以先師冠各廟之首而以諸神祠附焉其瓌城小祠與巷曲五道井泉諸神以及鄉村各廟祀並四廳分置新建者不與則以見聞所及實有未周非故分詳畧也甫嘗與鍾觀察談及此間學校之設易如反手居民非貧遷是賴即墾種牧廠地故挈眷就食過有子弟稍穎異者每以千百里回籍考試畏難

輒止其法莫如勸諭農民商民鳩集財資起建文廟學宮及  
督學試院詳請奏立高籍農籍頒定額數添設教官一員考  
棚經費由該商農永遠捐輸其子弟悉準入籍并遵各府州  
縣成例文廟外增建名宦鄉賢忠義孝弟等祠以為將來崇  
祀之所於人心風俗大有裨益且現今西南疆域俱立學校  
而獨此首入版圖之地尚未聞有振興文教之舉非所謂待  
人後行耶觀察適已被議去官弗果從後有作者擬仍以此  
議進入



歸綏識畧卷十

崞縣張 曾小袁初輯

地部

寺塔

無量寺俗名大招在城南門外里許我

朝崇德中明崇禎中都統古祿格楚琥爾奉

太宗文皇帝諭將四寺委左翼佐領補音圖驍騎校喇巴太興德

木齊溫布刺麻協同興修展大奏

賜今名寺內供

皇帝萬歲牌位康熙三十六年經扎薩克達刺麻納依齊托音呼

圖克圖呈請具奏殿易黃瓦

延壽寺俗名西呼圖招府志為舍利圖招在無量寺東百餘步康

熙三十五年

聖祖仁皇帝西征駐蹕值西呼圖呼圖克圖將四寺重修工竣奏  
賜今名

賜刺麻唐古忒藏經一部藥王經一部珊瑚教珠一盤紅珠寶石  
四十二年

御製碑文雍正四年

賜教珠一盤寺係西呼圖呼圖克圖居住嘉慶二十三年十二月  
徑部具奏以西呼圖呼圖克圖補授扎薩克達刺麻掌印所有一  
切報部案件停止徑行咨報呈經遠城將軍轉咨理藩院咸豐九  
年重修殿基增高數尺有藏經塔一寺壯麗為諸寺冠

通志輯要延壽寺在城西北二十五里康熙二十九年改今名  
疑廣壽寺之訛府志訛延壽為延福其云舍利圖招者亦以漢

字文義解蒙古語如解畢齊克齊為筆寫氣解板升為升板築牆  
之類譯字蒙古語意則失矣

崇福寺俗名小招在延壽寺東百餘步康熙三十六年訥依齊托  
音呼圖克圖新建寺前有藏經塔

聖祖仁皇帝西征凱旋駐蹕於此奏

賜今名

賜刺麻大紅羽緞褂一領黃蟒緞袍褂二領涼冠二頂珊瑚教珠  
一盤四十二年

御製碑文後又

賜藏經一部藥玉經一部金字教珠一盤黃絲帶一條帶扣荷色  
飄帶水晶把小刀火鐮俱全金錢一文曰壽比南山長命富貴銀  
錢一文曰吉祥如意又

御筆金書心經寶塔一軸康熙庚寅三月十八日沐手敬書寺內  
訥依齊托音呼圖克圖居住

恭錄

聖祖仁皇帝御製勅賜歸化城崇福寺碑記

朕維歸化城為古豐州地山環水互夙稱勝境城南口有佛刹刹  
蘇拖音葺而新之奏請寺額因賜名崇福寺丙子冬朕以征厄魯  
特噶爾丹師次歸化城於寺前駐蹕見其殿宇宏麗法象壯嚴懸  
設齋幡并以朕所御甲冑弓矢橐鞬留置寺中夫朕之親有事於  
塞外非無故也往者厄魯特與喀爾喀交惡相攻朕愍念生民塗  
炭遣使諭解而噶爾丹追擊喀爾喀竟入掠我烏朱穆秦爰命和  
碩裕親王聲討大敗賊於烏喇布通時噶爾丹盟誓佛前永不入  
犯乃班師而還後噶爾丹蔑棄誓言復掠納木查爾拖音於克魯

倫之地丙子春朕親統六師由中路進剿至克魯倫河賊望見軍  
容宵遁適朕所期會西路官兵過於昭木多大敗之俘斬無算丹  
木已哈什哈等率眾歸噶爾丹跳身走是冬朕復駐師鄂尔多斯  
剿撫並用厄魯特人眾絡繹歸命而噶爾丹仍未嚮順丁丑率師  
駐狼居胥山麓官軍分道並進噶爾丹計窮自斃子女就獲余軍  
悉平方今中外恬熙邊境生靈咸得宴然安堵刺麻拖音請建碑  
垂示永久因書此勒石俾後之覽者知朕不憚寒暑三臨絕塞為  
民除殘之意

碑立崇福寺門內書凡四体東西兩碑亭東為國書暨漢文西  
為蒙古書暨唐古忒文延壽寺碑亦如此惟節去駐蹕及留置了  
失甲冑數語茲從府志恭錄與碑刻微異數字我

朝文移書疏之制國書則自左而右漢字則自右而左凡宮城榜

額皆如是塞上則兼用蒙古體佛寺則增唐古忒文為四法苑  
珠林造書凡三人長曰梵書右行次曰法靈其書左行少者倉  
頡其書下行唐古忒文當即古梵言之遺此間各寺匾額亦多  
用四體書

崇壽寺俗名明蘇招一名西招在城西門外河而距城二里許順  
治十八年剝麻錫拉布建康與間其徒扎薩克達剝麻朋蘇克增  
修三十三年奏

賜今名曰設呼畢勒罕一名今無地初宏敞殿宇亦甚壯麗後為  
河水侵占寺門北移院有藏經塔今在門外

府志為蓮社招即朋蘇之誤曰傳費大將軍誅活佛即在此寺  
又傳數年前西歲有呼畢勒罕出世遺其徒來取塔內藏經寺  
衆初未之信及啓視對識宛然且言被誅後已轉生教世惟願

創未合俟合時仍當來城疑亦無嵇之說也

隆壽寺俗名額爾齊招在城西南里許康熙八年綽爾濟達賴建  
三十四年續修奏

賜今名嘉慶十年被火重修有藏經塔一

宏慶寺一名拉布齊招今呼為宏慶招在城南文廟官學西百餘  
步康熙六年甯々呼圖克圖建奏

賜今名巷有觀音寺

以上六寺俱額設扎薩克刺麻一名達刺麻一名歸化城增修  
時所謂六招刺麻是也

延禧寺俗名綽爾濟招在延壽寺東南里許係西呼圖弟子達爾  
漢綽爾濟刺麻建奏

賜今名與延壽寺互諷

萬壽經內拉布扎木巴達爾漢呼圖克圖居住額設達刺麻一名  
慈燈寺在崇福寺東南里許內有塔基圍丈上岐為五其制與都  
城西直門外長河北岸大正覺寺畧同亦呼為五塔寺又曰新招  
雍正五年崇福寺刺麻彥察爾清呼畢勒罕授副扎薩克達賴刺  
麻呈請建立十年奏  
賜今名額設達刺麻一名  
寧祺寺一名太平招在城西北里許康熙六十一年土默特兩翼  
官兵等建奏

賜今名乾隆元年遵照部咨因多倫諾爾招內念經由土默特  
遣刺麻四名常川駐扎遇有缺出由寧祺寺刺麻內選補每年秋  
季給盤費銀一百九十二兩由該處印文來領撥披甲四名護送  
十九年寺東北增建納木扎勒極勝塔二十年寺西北增建仁義



極忠塔額設達刺麻一名

輯要載歸化城北有格根漢廟蓋土默特旗祀順義王俺答者亦即此寺旧址

廣福寺在崇福寺前路西土默特已故參領扎布之妻建立後祀與章嘉呼圖克圖乾隆三十年奏

賜今名額設達刺麻一名

隆福寺一名迦藍招在崇福寺東北地名馬蘭灘寺基狹小無達置年月可考現屬隆壽寺管理

廣壽寺在城西北烏素圖溝山陽即呼烏素圖招康熙中親緯爾濟刺麻阿旺丹石勤勤勞王事蒙賞給銀兩即以達寺奏

賜今名

御賜匾額有奉

旨設立字樣屬延壽寺管理咸豐九年重修

永安寺曰在城北烏蘭察布北亦西呼同呼同克圖所建以寺基  
逼近公主府蒙府助給銀一萬兩移建烏素圖東溝內察漢哈達  
山陽距城二十五里俗呼為哈達招

慶緣寺在城西北山陽距城二十里明萬曆中建我

朝乾隆四十七年重修四十八年呈請報部轉奏蒙

賜今名額設達刺麻一名

法禧寺在慶緣寺東北係寺屬醫生綽爾濟羅布桑旺扎勒建乾  
隆五十年奏

賜今名

增福寺在薩拉齊梨樹村康熙三十五年慶緣寺所屬徒弟格隆  
巴雅斯琿朗建立距城一百三十里

慈蔭寺在果必托利補拉克地方距城百餘里雍正十年建乾隆  
二十七年遵照部咨每歲由土默特旗遣往達刺麻一名徒弟六  
名念經刺麻二十名按月發給銀米

慈壽寺在城西山陽距城六十里順治中察漢迪彥齊呼圖克圖  
建康熙中奏

賜今名額設建刺麻

崇禧寺在城東北鄂奇溝內距城六十里順治中額爾德尼迪彥  
齊呼圖克圖建康熙五十三年奏

賜今名額設建刺麻道光十八年遭回祿幾燼

廣化寺在西山溝內距慈壽寺二十里曰為平廣寺康熙五十  
八年移建於此乾隆四十八年增修奏

賜今名額設建刺麻

普會寺在城北山後沙拉木楞地西呼圖呼圖克圖建奏  
賜今名距城一百五十里

普安寺在城東南察哈尔正紅旂岱海地乾隆三十八年彥察爾  
濟呼畢勒罕建立奏

賜今名土人呼為岱海招距城二百餘里

尊勝寺在城東北哈拉沁溝源吉爾噶朗圖山康熙元年咱雅班  
第達呼圖克圖由喀爾喀扎薩克圖汗旗下帶來徒眾百餘奉  
旨建歸化城居住建立新寺奏

賜今名距城百餘里內設扎薩克刺麻一名俗呼為班第達招  
善緣寺在城東南發奴素山建置年月無考額設呼畢勒罕一名  
達刺麻一名屬崇福寺管理

靈照寺在城西二百餘里明順義王孫大成台吉之妻瑪沁建火

門石刻如來佛寺額設達刺麻一名

明史大成台吉之妻為大成比奴瑪沁或其名也

福慧寺在城西山陽胡塞村建置無考額設達刺麻一名

永福寺

廣法寺俱在城西北九十余里阿魯板井山溝內係甘珠爾巴諾

門漢呼畢勒罕建立額設管理二寺達刺麻一名

吉特庫招在城西吉特庫山陽距城二百余里康熙三十六年札

薩克達刺麻明蘇克達未請寺名額設達刺麻一名

都貴招在托克托城東南內設呼畢勒罕一名達刺麻一名屬章

嘉呼圖克圖管理

廣覺寺在薩拉齊西烏拉特東公旗界五當溝內距城三百四十

里對音克理班第達呼圖克圖居住寺內刺麻約五百余名嘉慶

四年奉理藩院來文令經遠城將軍管理每年春秋二季派官前往查核刺麻數目咨報理藩院查照三年將軍親往巡查一次清真寺在城北門外城隍廟東南為回教禮拜所附近多西域人回教謂天高覆我地厚載我日月明以照我自天地日月外別無崇奉祭祀之神其教散處中國大約始于唐代初名回鶻繼名回紇先世本匈奴別種西域一帶族類繁衍與外藩雜處故近邊地尤多不奉正朔以三十日為一月無小建十二月為一年不計閏或謂每七日入柵一次以入柵五十二次為一年故每年皆三百六十四日忌食豬肉亦或謂其先本忌諸聞後有黠者改豬字以寬其禁耳禮拜所頌經咒亦與釋道刺麻諸教異

東西白塔詳古蹟門

按黜邪崇正為政之大防陸清獻志靈壽於佛寺道觀概不之  
及義至嚴也唯習俗中外不同歸綏六廳本土默特部落順義  
王俺答老而厭兵始迎取聖識刺麻與明通好塞上得無事  
者百年我

朝開國伊始即以佛教馴服外藩迨後西藏撫綏益藉以化誘  
曠俗馭夷之道各因其習大聖人神通設教其意至深遠矣  
今天下佛寺之衆多天竺西藏五台山而外其為刺麻住持  
者當以歸化城為最盛歸化城附近居民舖戶房屋基地地  
畝悉屬刺麻香火刺麻所住佛寺向名曰招以漢字釋之或  
即古招提之義此間相傳有四大招八小招名目今統計寺  
名可指數者得三十有二而以回教之禮拜寺及東西兩塔  
附識於後非故違義例也此間之有寺塔其所以移風而易

俗者視各府州縣文廟學校有過之無不及焉烏可以不識  
至於刺麻之稱即華語所謂無上呼畢勒罕之名即華語所  
謂化身扎薩克為理事之官外蕃王公皆用之不獨刺麻為  
然呼圖克圖為刺麻之自稱猶和尚自稱曰僧人亦可以僧  
稱之非若刺麻之不可自稱猶僧之不敢自稱和尚也拖音  
為刺麻弟子西呼圖為坐床刺麻章嘉呼圖克圖乃刺麻之  
受褒封者諾門漢格隆噶布倫其位號乃依次而下矣  
此等稱謂恐閱者未能驟解因即所知者畧為識之或亦入  
國而聞俗之意其於崇正黜邪之旨尚不至大相刺謬與



歸綏識畧卷十一

崞縣張·曾小表初輯

地部

公署

綏遠城將軍衙署一所乾隆初建共房一百八十三間在鐘樓西  
北其餘除屢次裁汰外現存左右兩司衙署二所各房十七間協  
領衙署五所各房三十八間佐領衙署十八所內奉文撥給世職  
官三所苗十五所各房二十四間防禦衙署二十五所內奉文撥  
給世襲雲騎尉五所苗二十所各房十九間驍騎校衙署二十二  
所內撥給世職恩騎尉二所苗二十所筆帖式衙署三所各房十  
四間

歸化城副督統衙署城北門內路西自裁汰兩都統三副都統將各

衙署變價歸款報部後乾隆二十七年准工部來咨遷移補修道  
光二年重修四年改建大門五年添立東西轅門其戶司兵司仍  
占四部統署在北門內路東大堂五間東為銀庫西為軍器庫東  
西兩司辦事房各五間後樓房三間余印房前鋒營房書吏房十  
八間道光四年將向西大門遷移向南外操演營署一所稽察廳署  
一所參領乘佐領署十二所佐領四十八所驍騎校署六十所  
歸綏道衙署在歸化城外里許河北乾隆初新建三十七年四十  
五年嘉慶十八年屢次補修咸豐四年大雨房屋坍塌毀幾盡五年  
重修共房一百三十余間所屬同知署二所一在道署西一在綏  
遠城將軍署東南通判署四所一在和林格爾一在薩拉齊一在  
清水河一在托克托城歸化城屬管獄巡檢署一所在道署東公  
防巡檢署一所在畢齊克齊綏遠城屬盈寧庫大使管豐裕倉大

使署一所在同知署南和林格爾屬管獄巡檢署一所在本廳薩  
拉齊屬管獄巡檢署一所在本廳分防巡檢署一所在色鎮清水  
河屬托克托城屬管獄巡檢署各一所在本廳

按公署之設南面而臨嚮明而制所以崇體制肅觀瞻也其  
廣狹大小固視乎官職之崇卑亦因乎地勢之難易此間惟  
將軍駐防官屬公署及綏遠同知署倉庫大使署在新城副  
都統署在回城其餘俱在城外歸化同知一署建立較早數  
年余則次第興修巡檢署曰傳為公主府別墅語亦無從稽  
考土默特參領佐領驍騎校等署布滿街衢公署私宅幾不  
可辨塞外風高土薄房屋最易傾圮即以監司一署而言乾  
隆初迄今百二十余年補修業經四次此番修葺幾與創始  
者同昔叔孫昭子所到雖一日必葺其牆屋非故求美觀也

公署而以傳舍視之則無事不存五日京兆之想恐於民生國  
計久安長治之道必有所急忽者矣整齊部署無廢歛公實與  
名符上下胥永賴之

歸綏識畧卷十二

淳縣張 曾小袁初輯

地部

官學

綏遠城官學在將軍署有空散十五間為八旂滿蒙子弟肄業處  
凡興校庠序熟五學鑲黃正白二旂入興學正黃正紅二旂入校  
學鑲白正藍二旂入庠學鑲紅鑲藍二旂入序學兩翼蒙古入熟學每  
學二旂官學生四十名乾隆五十年前任將軍吉福奏

准裁汰於原設立學外添設滿漢繙譯學一所各旗每佐領下挑  
送閑散幼丁年十五以上二十以下能習國書及漢書者各十名  
入學其繙譯教習由部提請將軍副都統率同本城協領佐領防  
禦馳騎校筆帖式等官監場考取二員入學三年期滿如果行走

勤慎教導有成將軍等出具教導有方考語保題以驍騎校用五  
學教習每學二人由八旗領催前鋒馬甲內挑取各學公費銀兩  
六學一體承領由繕譯學主稿五學出領咨春冬兩季每學各領  
公費銀一十三兩五錢夏秋兩季每學各領公費銀八兩四錢一  
分每年四季各學各領銀四十三兩八錢二分統共用銀二百六  
十二兩九錢二分由房租項內給發

綏遠城所租鋪面房除變價空閑外現存房一千一百六十餘  
間每月約收銀三百五十餘兩自乾隆六十年起徵收拆毀房間  
空地墓菜園租銀每年約收銀二百餘兩官學公費即由此出  
土默特官學在文廟西偏正房三間為講堂東西房各三間為學  
生肄業所再西為箭亭雍正十三年經尚書通智等奏定由六十  
佐領每位領下撥送英俊孩童二名由佐領以下官員內遴派教

習習員每教習月給飯錢一千二百文每學生口給飯錢十六文每月初十日  
由銀庫散給

銀庫款項見倉庫及物部稅課門

按我

朝以八旗重兵分駐各要地揆文武所在皆然自乾隆初始  
以朔平府駐防移駐綏遠城厥後承平日久投戈講藝息馬  
論道文學之士爭自濯磨俊義編於膠庠榮征豎夫皇路第  
甲乙蔚然炳然洎道光中年始停止各省駐防鄉會試非重  
武功而輕文德因繙譯而廢制舉也

國家自入閩定鼎以騎射為先務帖括章句原藉以甄拔寒儒  
八旗子弟進身之始不專賴此况國書釐定頒示更不容有

殊泰之差科斗虫魚備存古法乃近今旗員起家科第者聞

十二字頭不知而斤斤焉致力於八股舍志正体直弗講而  
沽之焉從事於闡墨舍本逐末曰甚一日浸失我

聖祖命宿衛重臣率虎賁三十彈壓嚴疆之初意矣然而科舉  
雜廢絃誦宜存學一曰則收一日之功讀一書則獲一書之  
效道德仁義非為科目設也禮樂書數可與射御柔也自茲  
以後雖不汰風擔寸器與文士絮短較長而講習之余實有以  
陶氣質用彝倫為學願可稍忽乎哉若士默特官學之設雖  
專用蒙古文字而清文鑑三合切音等書頒行已百余年蒙  
古之讀漢書從漢師者比比皆是聞常入其學觀其應對進  
退亦彬彬然禮法之存聲教所託薰陶而涵育之其丕變可  
立睹矣同治元年以大學士祁寯藻奏請各省駐防鄉會試

復行



歸綏識畧卷十三

寧縣張 曾小袁初輯

地部

義學

古豐義學創始無所考嘉慶八年長白德公翁以吏部郎中簡任歸綏道念義學廢弛日久乃自捐廉俸於署西北偏重建學舍一所中楹奉至聖先師神位東西各五楹為生徒肄業所時歸化城理事同知西理納綏遠城同知塔清阿和林格爾通判繼昌薩拉齊通判扎勒罕清水河通判伊克坦布托克托城通判善寶綏遠庫大使周大鼎歸化巡檢萬瀛三薩拉齊巡檢程天麟等亦各輸廉俸共襄厥成於九年春延師主講取生徒三十人入館受業立定規條每歲延兩師主講席月各奉修脯銀十兩學徒茶水每月

銀三兩考課獎賞每季銀八九兩不等德公又以需用頗多恐難  
經久因具稟撫憲伯公議定歸廳歲捐銀五十兩綏和薩清托五  
廳歲各捐銀三十兩歸薩二巡檢歲各捐銀十兩其餘不敷銀兩由  
歸綏道自行捐足毫不派累商民並將條約碑文刊發各廳其歲  
捐銀兩定期五年節解清以備支給十七年六月德公升任長蘆  
鹽運使將卸道篆復稟請署撫憲銜公札飭道屬查照原立章程  
永行遵辦經布政使陳公遵批移咨後任歸綏道高轉飭各屬存  
案交代是年十一月間嵩公因義學房屋坍塌不堪棲止將學移  
住范家号其條約仍遵前議造冊備查計同各廳同知通判巡檢  
共捐銀二百二十兩義學兩師修脯及生徒茶水每月需銀二十  
三兩每節送學師禮銀各四兩每年三節需銀二十四兩每年連  
獎賞生徒等費約通共需銀三百余兩除捐銀外由本道補足二

八月致祭先師孔子祭品猪羊等項俱本道備辦道光元年歸綏  
道岳任內因色頭巡檢設立將薩拉齊巡檢應捐銀十兩自二年  
為始着兩巡檢分樞歲各捐銀五兩二十五年十月歸化城錢行  
總領並散戶等四十九家捐錢一千緡為義學膏火之需經護理  
歸綏道路安府知府多公憲籌議以義學貨廡居住究非良策即  
將錢易銀四百兩價典本城西門外楊家巷路北房院一所正房  
三間有抱廈東廚房三間七廂房七間東南房三間西南房四間  
大門一間內涂西套房三間原典主自占如蒙古原地主及原典  
主備價回贖即稟明歸綏道飭歸化廳驗收銀兩另行典買房院  
典約存案并行歸化廳

附德公告示

為曉諭事竊以文明之地不擇地而興蒙養之方可因材而篤

本道蒞任茲土所見閭閻圖圖或以耕牧或以懋遷地廣人稠  
洵稱富庶顧學校未設人材無自而成爰倣古庠序熟序之意  
立義學於衙署之後延師主講凡遠近成人小子萃處而肄業  
焉惟濫而無節非所以示區別也今擬以生徒三十人為率其  
能識前言往行以蓄德者固將陶育以成國器即自幼學以至  
弱冠雖尚不曉文理而質性穎悟可習經書者皆在甄收之列  
為此出示闔境人民知悉尔等有子弟願讀書者即赴縣報名  
候本道示期擇取三十名將姓名年歲籍貫注册送館內受業  
毋許無故不到其經此番報名或因額滿不錄者即令附名册  
後諸生徒中有志上進各聽回本籍州縣應試庶幾人材興而  
風俗益臻醇厚是本道所厚望者也特示

附陳希曾重立歸化城義學碑記

希曾字雲香号鐘溪江西新  
城人乾隆己酉解元癸丑以

一甲第三人及第八詞館歷官  
至工部侍郎著有樸谷文

我

國家誕敷文教學校如林自通都大邑以迄山陬海澨罔不蒸蒸  
向化家有塾党有庠而國有學也即邊徼窮瘁之地為自古聲  
教所未通者今亦野無棄材人知向方往々以義名其學而或  
者限於地絀於財經始者未得其人繼起者未振其緒則其學  
亦經不立此固賴存心之公愛人之切疊々然全其始要其終  
而後其事以集其公以成歸化城為三晉藩衝觀察德公蒞任  
有年所以通商惠工者成效已彰々矣而尤以興教勸學為先  
務曰有義學久廢不舉公亟謀更建之度比於道署之右捐廉  
為屬吏倡鳩工官材不數月而告成囑予為文以記之且語予  
曰地近官廨集生徒數十人其長者課以文藝勉之黜萃崇實

以敦品制行為大端其幼者與之繹經義課記誦并出絹素毫翰以教舞之或旦至焉或二三曰一至焉樂此不為疲也予聞之嘉曰此邦人士得嘉惠士林教學為先諄々如公者哉知化民成俗之心由于學也而以身先之知遜志時敏之厥修乃來也而以勸董之知入學考校雖經辨志之不可凌節而施也而次第以及之知觀摩有自復虞彼之苦其難而不知其益也而獎賞以誘之夫豈徒高具垣宏其宇為寒士謀棲遲之所哉蓋破襮被而來者之寔能相與有成也然則公之好學深思其存心之公愛人之切亦概可知矣予視學此邦凡使節所至靡不以先德行而後文藝為士子勗每進諸生於庭舉之愚之勉其所以能而拔其所未至蓋獎誘後進之思與公寔有同心為幸與公同事一方樂具心之相契而尤歡是舉之德施於無窮也

異日者化成俗美風聲所樹將見担簦負笈者接踵而來  
然相與弦誦暇習於其中吾知必有瑰奇特出之士倜儻不羈  
之才出而宣揚郅治黼黻

皇猷而歸本於振興庠序翕然稱公之德於不衰則公之培養士  
氣作育人材以上副

聖天子觀文成化之治者雖邊徼窮瘁之地固無殊於通都大邑  
也予故樂為之書並為肄業者勗焉

按今世自各省會以至府廳州縣凡有學校之地莫不設立  
書院以培養人材猗與休哉何風之盛也至於義學之設或  
紳富樂善好施或鄉村公議建立俾寒家小戶無力延師者之  
子弟得就以資講習識之無地方人士自經理之守土者不

與聞焉歸化城學校未立因無書院自前觀察德公設立義

學五十余年各官攤捐廉俸合力延師名為義學實則與書院  
同每歲兩學師修脯亦與尋常州縣書院山長不相上下口外無  
儒學各官每朔望講約輒以學師兼之亦所以廣教澤示尊  
重也惟凡事因循日久恐視為具文薪水未能以時講課必  
致輟業有名無寔饋羊僅存揆諸前賢創始苦衷寔相負之  
且邊塞周圍數千里所恃以移風易俗者祇此一區倘得推  
而廣之於各廳胥則效為將詩書絃誦之聲與犬吠雞鳴同相聞  
而達四境矣有心者尚共勗諸奉使日記謂歸化城外蕃貿  
易蜂集蟻屯乃衝割扼要之地控制之法良不可忽考之古  
碣元為豐州設知州同知判官各一員統於大同總府與宣  
慰使所轄今我

朝威德遐暢幅員之廣曠古未有即如台灣遠在海外亦為郡



縣應照此例將歸化城亦設為郡縣用府廳縣教官各一員以寄撫綏教化之澤設滿漢將軍一員轄現在蒙古都統即金之置天德軍節度使元之立大同總府其意一也歸化一帶土廣人稀將死罪中有可矜疑免死之人發往開墾填寔地方其新設郡縣各官照台灣例三年升轉以致其奮庸之念

聖諭廣訓十六條中外文武臣民講讀乃化民成俗之本應令於各官朔望日齊集軍民一體講讀便知

聖化其軍民中有清秀子弟今教官講習漢書俟其通曉文義亦照台灣設科取士之例人有進身之階不輟絃誦之音化魯樸為禮讓狡悍為忠義莫要於此十年生聚十年教訓更遊荒之區為冠裳之地增版宇而廣化育度越古帝王萬分矣

按記作於康熙二十七年厥後雍正五年都統丹津尚書通  
智奏請建立文廟設歸化城理事同知協理筆帖式後改設  
各廳理事通判增巡檢各官乾隆二年以朔平府駐防將軍  
移駐綏遠城并裁減蒙古都統添設歸綏道一員統轄各廳  
俱與記意若合符節至所云同是之說更無俟夫矜疑免死之人  
今遠近富厚農民且無不趨之若鶩利之所在天下歸之人  
情大抵如是惟學校至今未立改此間無土著之民每與當  
路談及仍有志未逮云尔

歸綏識畧卷十四

寧縣張 曾小袁初輯

地部

教場

綏遠城駐防官兵教場在城西門外每歲春秋二季八旗槍箭營官帶領兵丁操演槍箭兩個月俟將軍閱畢停操演陣共用兵一千六百一十四名自二月十五日七月十五日開操日起城上吹海螺十五日秋季演放子母礮位在哈喇沁溝

歸化城土默特教場在城北門外二里許內閱武堂三間火藥庫二間看守兵住房二間照壁一堵每年春秋二季土默特兵一千名各操演一箇月操演時官兵齊集操演營門赴教場鳥槍兵五百名弓箭兵五百名鳥槍兵演三進二連環斷後兵出收隊官員與弓兵

演習馬步射又演槍牌三日自二月十五八月初一日起用操城上鳴海螺十五日

歸化城綠營教場在城北都司營側每年春秋二季大同鎮總兵來營校閱都司以次將弁演習騎射兵丁三百名演習槍礮其平時操演都司主之

附槍字考畧

槍七羊切周禮秋官職金國有大故而用金石則掌其令注用金石者作槍雷推桴之屬疏槍雷推桴皆守城扞禦之具古無鳥槍其言槍者指刀槍之槍而言蓋矛屬也然槍與雷並稱後世鳥槍亦當從之俗作鎗非楚耕切在庚韻鼎類其音槍者與鎗同為鏗鎗之鎗從未作軍器解或以鳥槍作鳥銃按銃充仲切音梳玉篇擊也集韻斧穿也解亦不同仍用槍字較近

附礮字考畧

礮俗作炮潘安仁闲居賦礮石雷駭其礮字之最先見者李注  
礮石今之拋石也說文無礮字惟礮字注云建大木置石其上  
發機以礮敵是許氏以礮為礮唐書李密傳以機發石為攻城  
械号將軍礮自後人有火礮之製俗遂從火作炮字更非火礮  
之用始見於宋楊萬里海蠟賦序云宋紹興三十一年金兵欲濟  
江虞允文伏舟七寶山舟中發一霹靂墜礮墜水中硫磺得水  
火自跳出紙裂而石灰散為烟霞昧其人馬之目金兵大敗然  
此乃紙礮用石灰以昧目非以礮字為攻擊之具也礮字用鐵  
始於金名曰震天雷以火礮攻城始於元世祖得回回所獻新  
礮以攻破襄陽城名曰襄陽礮明永樂中平交趾始得神機槍  
礮法至嘉靖二年佛郎機寇廣州指揮柯榮禦之賊敗遁官軍

獲其舟得其礮即名為佛郎機詳見明史紀又兵制云佛郎機礮式以銅為之長五六尺重千余斤小者數百斤礮之用銅冶見於此我

朝天聰五年始造紅衣大礮名曰天佐助威大將軍崇德八年又造神威大將軍礮康熙十五年又造神威無敵大將軍礮二十八年又造武成永固大將軍礮詳

皇朝禮器圖式見梁茝林中丞浪跡叢談

按操練之說莫詳於戚南塘紀效新書及練兵實紀其卷首或問諸條有切中今日操練之病者如或問祖宗自設官軍至今操練二百年矣比于之操一二年者孰為熟習且官軍亦有陣法教場隨時演習而臨時無裨實用何也曰譬如學生平日總下講習的是五經四書解義策論一旦入場試官出來題

目就是經書上的便可想望中式若平日雖是手不釋卷却讀些雜說詩詞作些傳奇歌賦一旦入場要作經義策論中逆所習非所用如何可得就是好學的也徒然耳今之軍士設使平日所習所學的号令技藝都是照臨陣的一般及至臨陣就以平日所習者用之則操一日必有一日之功一件熟便得一件之利况操練二百年自幼為兵士者耶奈今所習所學通是一箇虛套其臨陣的真法真令真營真藝原無一字相合及其臨陣又出一番新樣與平日耳目聞見迥然不同如此就操一千年有何用處且如各色器技營陣殺人的勾當豈是好看的如今教場閱兵但要周旋武滿片花草便是好武藝但要整齊排列進退從容便是好陣式花法勝而對手工夫漸迷虛文張而真正營務不講戲局套數跳舞

哄人司閱者但取一時好看却一些實用不得誇口到廝打  
時忘了拿架于此病最甚因識教場之略而附及之



歸綏識畧卷十五

崞縣張 曾小袁初輯

地部

倉儲

豐裕倉盈寧庫在綏遠城為駐防官員兵丁俸餉銀米及各廳錢糧監督稅課總出納地設立倉庫大使一員專司其事額儲銀二十萬五千余兩米二萬三千余石屬糧餉同知管理如額米不敷支放隨時稟請採買

軍需倉在歸化城內駝橋街內久安盈恒充裕六廩額儲穀五萬一千二百六十石係供支綏遠城官兵口糧之需

常平倉五廳皆有之歸化城設立在城外城隍廟側內蓋歲滿豐積聚六廩額儲米三萬四百八十石零係按豐歉平糶及借給農

民之需

土默特倉在歸化城內駝橋街內設隆字一廠儲米二千石係支  
放副都統衙門俸米並托里布拉克台刺麻口糧及養濟院月米  
土默特庫在四都統署大堂東偏內收存房地租銀煤炭稅銀以  
備春秋祭祀將軍副都統廉俸官學膏火及修補軍器操演公費  
繕書舖司台站差使工食等一切賞卹之用

義倉在三賢店內儲穀一千二百一十二石以備凶荒賑濟

五廳錢糧稅課庫俱在本署隨徵隨解無庫儲定額

托克托城倉在城內雍正中建四存放徵收米石今統歸豐裕倉  
本倉所存惟常平倉穀

按是編畧倣志乘之体倉庫一門自不容以不立惟盈虛豐儉  
未得其詳有弗取率爾置喙者計自弱冠後索筆游幕幾三

十年箋啓往復而外於古人語斷章取義實有向錢穀不知  
向兵刑不知之愧况以倉庫重務非等迂儒紙上之談表筒  
齋履西江制府興革事宜謂常平者漢時良法而其弊已見  
於東漢劉般傳中社倉者宋時良法而其弊已見於金華社  
倉記其所條陳應革應興諸事與此向情形雖有不同而變  
通在乎其人從古所謂有治人無治法也至豐裕軍需兩倉  
採買之法尤固緊要賈誼曰積儲者天下之大命愚謂積儲  
以養兵與積儲以養民人異民之賴此積儲時少而軍之賴  
此積儲時多耳廐長立而馬益癯東坡斯言將聽牧人之盜  
其芻菽耶將何以治其末而求其本也識畧及此仍不過存

其目云

歸綏識略卷十六

地部

崞縣張曾小表初輯

田賦 此類新通志增者且多茲不錄

歸化城額徵大青山後廠地租銀一萬三千九百四兩一錢四

厘空閑廠地租銀一千六百四十八兩三分二厘土默特租銀五

百二十二兩六錢五分額徵渾津黑河本色折色米四百八十八

石二斗四升六合九勺十五溝米三百三石五斗八升六勺內有

豪賴溝村於咸豐六年秋災案內詳報冲毀地五頃五十五畝應

開除米十六石四斗二升八合實應徵米二百八十七石一斗三

升二合六勺

綏遠城同知額徵渾津黑河莊頭米一千三百九十二石九斗五

升三合

和林格爾額徵正黃等五旗廠地租銀一千六百九兩四錢八分  
二厘內除成豐四年詳報逃戶缺額銀六百一十四兩五錢八分  
外寔應徵九百九十四兩九錢二厘土默特租銀五百四十六兩  
六錢七分四厘額徵米五千五百九十七石五斗一升八合一勺  
三抄

薩拉齊額徵土默特租銀一千八百六十六兩一錢一分額徵米  
三千七百七石一斗三升六合三勺

清水河額徵鑲藍旗廠地租銀二百四十五兩七錢土默特租銀  
六十七兩五錢額徵米折正銀一萬七千七百九十四兩二錢五  
分一厘內除二次逃戶缺額銀七千四十七兩六錢九分六厘寔  
應徵銀一萬七百四十六兩五錢五分五厘

托克托城額徵土默特租銀三百七兩二錢六分額徵米三千一

百二十七石九斗一升三合六勺

按田賦為倉庫之源尤非局外所能縷拆咸豐九年四月間  
鐘石帆觀察以督權所屬清水河錢糧被議去官十一月解  
任郵玉問答藉窺一斑蓋口外催科之難較腹裏不啻倍蓰  
漠南地方遼瀾租戶俱自遠來歲收偶遇歉薄輒捲席逃去  
幸所種蒙古廠地祖賦較輕且徵收多係米石於納稼之日  
即就近輸將省以來易銀之煩無米價銀價低昂短絀之弊  
比催尚易為力惟清水河一廳前因路途遙遠馳運阻滯爾  
時想銀價亦低遂至米折正銀至一萬七千余兩嗣因兩次  
逃戶缺額議減七千有奇現仍實徵銀一萬七百餘兩倘遇  
凶荒水旱遠竄紛紛無家屬可尋無親族鄰里可問與土著  
居民都累都甲累甲者迥別而催徵各官處分與口裡府廳

州縣正項錢糧同以致有督催之責者每屆參限數同干嚴  
謹觀察此番去任雖以銀數錯漏舛誤多端而推厥由來完  
因非年清年款所致此后若不速為更易仍照四章將監司  
通判兩官朝至而夕獲咎為後來者當何以處之

歸終識略卷十七

崞縣張 曾小袁初輯

地部

市集

歸化城商賈向有十二行俗傳都統丹公由京師帶來其說無可  
考近則生聚蕃衍貨物且備百工咸集以行而計不啻千百數矣  
遇有公務則仍曰十二行其餘各以類附之總其大者而言也  
十二行公舉鄉耆四人總領十二人經理庶務鄉耆會館設立三  
賢廡遇有商賈詞訟事件輒諭令處結各行公議條規俱由鄉耆  
等定議五廳及各鎮皆然惟擇各行舖長老成諳練者充之無鄉  
飲酒禮文

歸化諸城行商坐賈相輔而行行商販運貨物至大青山後諸部



落及西域一帶貨鬻易金銀牲畜以歸有後山營路各生意名目乾隆四十二年准兵部來咨歸化城前往烏魯木齊等處貿易商民俱由副都統衙門發給照票將該商人數姓名及前往貿易之部落扎薩克旗分據該同知詳報到日填註詳細照例給發等因嘉慶五年經署定邊左副將軍齊登扎布具奏歸化城商民於山後扎薩克旗<sup>下</sup>聚集過甚稽察紛繁且恐滋生事端嗣後請發給照票方准貿易以便稽查等因蒙准由理藩院咨行綏遠城將軍令將本況照票領去給發各商民前往烏里雅蘇台等處及各蒙古地方持票勒限貿易派員赴都請領俟商民貿易完竣依限繳銷歸綏一帶商民至烏魯木齊等處謂之北套客其路乃客賂蒙古人所開自歸化至迪化僅兩月程但無旅店可宿行者須自携鍋帳耳見紀文達公烏魯木齊雜詩注

行商赴山後營路率於歲杪由城啓行至次年秋冬間回城攜帶  
牲畜貨物在城發賣

### 歸綏橋街市

歸化城牲畜交易約有數處其馬市在綏遠城曰馬橋駝市在副  
都統署側曰駝橋牛市在城北門外曰牛橋羊市在北茶坊外曰  
羊橋市俱近橋故也其屠宰牲畜剝取皮革就近硝熟分大小皮  
備行交易在城南門外十字街俗呼為皮十字

口外蒙古廠地寬濶人物繁庶米粟糶糴較別務尤急各廳俱有  
粟店行開設按時價出入毋許囤積其距廳遙遠者亦得就近為  
市如歸化城屬之畢齊克齊及山後克魯伊里根等村托克托城  
屬之河口薩拉齊屬之泊頭鎮皆米粟匯聚所在舟車駛運絡繹  
不絕

和薩清托各廳交易俱用足錢歸化城慣用短陌錢銀價較化處必昂錢數多寡不一居民多病之商賈謂便於交易

或問錢曰短陌始於何時按王伯厚困學紀聞梁武帝時錢陌減始有足陌之名唐末以八十為陌漢隱帝時王章又減三錢始有省陌之名曰知錄引隋書食貨志曰梁大同後自破嶺以東錢以八十為陌名曰東錢江郢以上七十為陌名曰西錢京師以九十為陌名曰長錢中大同元年乃詔通用足錢詔下而人不從錢陌益少至於末年遂以三十五為陌唐憲宗元和中京師用錢每貫頭除二十文穆宗長慶元年以所在用錢墊陌不一勅內外公私給用錢宜每貫一例除墊八十以九百二十文成貫至昭宗末京師以八百五十為貫為陌才八十五河南以八十為陌漢隱帝時王章為三司使聚斂刻急曰制錢出入

皆以八十為陌章始令入者八十出者七十七謂之省陌又掩  
朴子云取人長錢還人短陌則短陌之說晉時已有之不始於  
梁也

鈔票大錢鉄錢數年來各處或用或否惟口外五廳以毗連外番  
俱未使用地方情形使然守土者不能強也

鉄錢鈔票議

向在識畧商集內

張 曾

或向鉄錢與銅錢並行無分輕重固不問而知其難久矣惟  
大錢之當千當百當十近代如梁匡林浪跡叢談等書極言  
其利然卒未能暢行何也曰子不觀宋徽宗時御使沈疇論  
蔡京鑄當十錢乎其言謂古者軍興賜賞不繼或以一當百  
或以一當千此權時之宜豈可行於太平無事之日自為當

十之議召禍起奸游乎之民一朝鼓鑄無故而致數倍之息

何憚而不為雖曰斬之其勢不可遏也咸豐五年晉省始用  
大錢一時歡悅謂其便於攜帶不數月而私鑄者起居民不  
知揀擇輒受其害市儈百般刁難甚或指官鑄為私鑄任意  
挑剔非以其輪廓之破缺即以其字畫之模糊各省形式不  
同即難互使不得已而二八一九才用年余卒至盡廢而後  
已此可以見大錢之無用矣至鈔票之法即古之楮幣也文  
獻通考首列田賦其次即言錢幣謂舉方尺腐敗之券而足  
以奔走一世寒藉以衣飢藉以食貧藉以富銅重而楮輕鼓  
鑄難而印造易舍其重且難而用其輕且易者下免犯銅之  
禁上無搜銅之苛亦一便也明季亦有十便之說是在用之  
者何如耳濟陽張氏岷嵩菴閒話唐憲宗時高實至京師委  
錢諸路進奏院及諸軍諸使富者以輕裝趨四方合券乃取

之号飛錢此即鈔法之始但商賈與富貴人私為之如今

票宋初許氏入錢京師於諸州便換朝廷始置務給券其時

商人齎券入諸州當日給付不得留滯違者科罰此法寔便

公私爾時官吏無所謂鈔者錢券也至執券而給錢不時則

鈔滯矣甚而無錢可給則鈔虛矣再甚而以虛鈔為實錢則

鈔不得不廢矣余嘗謂鈔之為用可用於度支充裕之日不

可用於帑項支絀之時譬如同一錢票也富商大賈人所共

信藏其宗者直以外府視之竟有不愿取用之意偶遇水火

盜賊舖戶反得其利即不然而經年累月携走遠方取用極

遲生息已不堪計算至於財本消乏之輩欲暫藉紙票支吾

印墨未乾而取錢者已至矣多一番寫造更加一番緊迫即

或偶逢月日忽一時蜂拥而來預備稍有不足輒將舖戶封

閉此明代寶鈔之制所以不始於天啓崇禎衰微之年而始於  
洪武創興之日也鈔之鈔票大錢鉄錢俱不能與銅錢並行  
經久即或有行使之處銀價貨物必逾恒昂貴仍以銅錢抵  
足寶價余不過備數而已又何益哉

口外粟店行錢行前有買空賣空之弊每致高抬市價居民受害  
寔深近俱遵例禁止有犯者照賭博例科罪

歸化城一帶錢銀帳目四季標期春季正月二十二日夏季四月  
十八日秋季七月十七日冬季十月初九日凡百交易準此清結  
按文獻通考端臨馬氏曰漢初鑄錢輕於周秦一時不軌逐  
末之民蓄積余贏以稽市物不勤南畝而務聚貨於是立法  
崇農而抑商入粟者補官而市井子弟至不得為吏可謂有  
所勸懲矣然利之所在人趨之若流水貨值傳中所載大抵

皆豪商鉅賈未聞有以力口致富者至孝武帝時東郭咸陽以  
大鬻鹽孔僅以大冶領大司農桑宏羊以賈人子為御使大  
夫而前法盡廢矣文帝時晁錯說上曰商賈大者積儲倍息  
小者坐列販賣操其奇贏曰邊都市乘上之急所賣必倍故  
其男不耕耘女不蠶織衣必文采食必梁肉無農夫之苦有  
千百之得因其富厚交通王侯力過吏勢以利相傾千里邀  
教冠蓋相望乘堅策肥履絲曳縞此商所以兼併農人農人所以  
流亡也今法律賤商人商人已富貴矣尊農夫農夫已貧賤  
矣故俗之所貴主之所賤吏之所卑法之所尊上下相反好  
惡乖迤而欲國富法立不可得也觀此二則知商賈之盛自  
漢已然無惑乎今之從事者日衆也晉書夙稱富有固唐俗

勤儉使然然其謀生之精寔有他省所未易及者漢史

趙



謂其邑土狹人滿每挾貧走四方所在流寓雖山陬海澨皆有邑人此風正不獨曲沃一處歸化城畧連蒙古部落市廛之盛甲乎西北走口外三字為吾鄉人醫貧良方以故富者出其余貲覓人出口代權子母貧者互相汲引同心協力操贏居奇以圖厚利日積月累按股均分不數年而貧者驟富矣或以少年躬親負販而桑榆晚景及身已坐擁金珠或以乃翁鞭逐馬駝而泉粟輸將厥子即貴膺民牧計其享用之侈興發之速微特畎畝耕種需體塗足者流弗克望其肩背即使呶唔終世估畢窮年倘以食報之豐約計之彼此亦判同霄壤太史公作貨殖傳所以崇勢利而羞貧賤也嶺南而謂之盧川中謂之亥晉省口內外俱謂之集

歸綏識畧卷十八

崞縣張 曾小袁初輯

地部

竇社 報竇既以社名歸入地部自應以寺廟為綱月日為日方合體例茲編取便於檢閱識者諒之

正月初四五六日太陽社在東柵街三官社在小西街初七八九

日安靜社在馬蘭灘合義社在南茶坊通順社在通順街初十

一二日興旺社在北茶坊十一二三日義仙社在玉皇閣十四五

六日平安燈社在城內十五日醇厚社在火神庙十五六七日平

安社在崇福寺前興旺社在無量寺前一在牛橋三官社在隆壽

寺前十九二十二十一日興旺平安社在南柴火市廿一二三日

平安社在宏慶寺前廿四五六日意識社在崇福寺前又是月有

福慶院社在北茶坊及城內院橋無定日

二月初一二三日青龍社在財神廟初七八九日大南街太平社  
在火神廟初十十一二日大西小北兩街平安社在火神廟十二  
三四日代州社祀財神在十王廟十四五六日金爐社在南茶坊  
十八九二十日祁保平安社一在三官廟西觀音寺一在宏慶寺  
卷觀音寺廿一二三日平義社在南茶坊又清明節有平安社在  
城隍廟二三月間有陝西社在小東街圓帝廟無定日

三月初一二三四日誠意社在延壽寺前真慶社在城內初九十  
十一日咸寧社在無量寺前十三四五日集錦社在費公祠十四  
五六日生皮社在小東街圓帝廟十六日紙房社祀蔡侯在南龍  
王廟十七八九日蒙古社在十王廟集義社在財神廟聖母社在  
三官廟街聖母廟廿一二三四日鄴侯社在海窟公義社在南茶坊  
廿三四五日誠敬社在三賢廟廿七八九日義合社在

四月初三四五日馬王社在小東街一在海窟義和社在南茶坊  
車店行社在玉皇閣初七八九日晉陽社在南茶坊交城社在十  
王廟十三四五日福興羊社在北茶坊十四五六日良緣社在崇  
福寺前十七八九日邊寧社在邊寧寺廿三四五日福興牛社在  
北茶坊廿六七八日十二行社在費公祠又是月有農民社在南  
龍王廟定襄社在財神庙福隆羊社在北茶坊無定日

五月初一正日祁縣社在小東街國帝廟初四五六日上党社在  
南茶坊雲中社在財神庙寧武社在國帝廟忠義社在十五廟祀  
旃檀佛初九十一日十二行社在城隍廟初十十一二日驛店  
行社在玉皇閣十二三四日介休社在南茶坊崞縣社在財神庙孟  
縣社在北茶坊單刀社在國帝廟十八正日農圃社在南龍王廟  
威鎮社在國帝廟十九廿二十一日瘟神社在南茶坊廿四五六

日成衣社在財神庙大谷社在國帝廟廿六七八日榆次社在南  
茶坊意和社在西茶坊又是月有文水社在小東街國帝廟無定

日

六月初五六七日福虎社在玉皇閣絕迷社在財神庙初八九十  
日三義社在西茶坊十一二三日崇福社在崇福寺前十四五六  
日寶豐社在財神庙十七八九日誠意社在延壽寺前魯般社在  
魯般廟廿二三四日十二行社在火神庙廿三四五日平安社在  
隆壽寺前聚錦社在南茶坊德先社在西茶坊

七月初六七八日恒雲社在城內十一二三日淨髮社在南茶坊  
十四五六日京都社在三官廟崇德保安社在城隍廟廿一二三  
日金壚社在南茶坊廿六七八日集錦社在費公祠

八月初一二三日六合社在南茶坊初三四五日定福社在財神

廟十四五六日平安義社在火神廟平安社在海窟土地祠忻州  
社在國帝廟十八正日仙翁社祀酒仙在小東街廿一正日紙匠公  
義社在南龍王廟又是月有聚仙社祀酒仙在小東街榮豐社在  
九龍灣小東街有奪街社道署及同知巡檢署前有平安社無定日  
九月初一二三日福盛社在三賢廟初八九十日銀爐社在玉皇  
閣靈佑社在小東街十二三四日太原社在前茶坊壽陽社在三  
賢廟十五六七日稅局德義社在西茶坊十六七八日蔚州社在  
財神廟十八正日金龍社在小東街廿四五六日應潭社在財神  
廟又是月有汾孝社在十五廟無定日

十月初一二三日平安社在城隍廟此外有醇厚社在費公祠榮

豐社在玉皇閣竈君社河神社在財神廟瘟神社吳真社祀吳蓋

城社在南茶坊孟蘭社在東嶽廟平義社一年在火神廟一年在

南茶坊俱無定月日其他許願醉神絲觴燕會不在此數

按報賽之說從古有之演劇事神未詳肇自何代蓋四民各有本業自當追奉其先代創始之人崇德報功祈福答貺即藉酬神之舉以為燕樂之期桑柘影斜家々扶醉歌台舞榭亦足以點綴昇平聖人在上原所弗禁惟口外市廛森列梵宇如林高賈墮事增華歸化一城歲三百六旬六日賽社之期十逾七八此外四鄉各廳尚難指教糜財廢業淫志蕩心其流弊殆不可名言識畧始作初編擬稍為勸誡并歷指戲樓酒肆選聲別色以及採青放工諸名目宜痛自裁革冀人心風俗稍有挽回迺閱者不諒若衷輒謂有心譏刺因亟加改削較原稿十無一二焉比聞金陵漢口等處前際盛時其毫侈且十倍於此自粵氛震擾以后人煙稀闕舉目蕭條有欲覩

前日紛華靡麗之風而不可得者則留此一二開市名區亦  
足覘太平景象惟望於廟會所在仍遵示嚴禁酒賭博並  
婦人入寺燒香各於演燈戲各弊無視誥命為具文而賄胥  
吏以希苟免習其迎神送神禮節尤當斟酌盡善萬勿蹈熟  
潛踰之口以驚世而駭俗云



歸綏識略卷十九

崞縣張 曾小袁初輯

地部

濟卹

養濟院在歸化城西二里乾隆初遵照部咨設立額養貧民百口  
每日給米一升歲秋季給布一匹九月至二月給薪炭銀四十  
余兩院頭一名歲給工食銀七兩二錢其米由土默特倉及義倉  
按月支放銀兩布疋土默特戶司會同巡檢發給又隆壽寺側有  
濟生店為乞丐棲宿所

漏澤園在歸化城南東嶽廟側嘉慶中觀察德公綸建立嗣蒙古  
施捨地故商民添蓋房屋為殯葬厝棺及看守人居住之所其旁  
另築碑洞收存無棺屍骸每歲清明及中元節前三日將屍骨攢

莖入土以免暴露并狼大殘食此外各州縣所建如代州等墳各  
行業所建如雞頭墳梨園墳之類尚多不及備載

按從古發政施仁必先無告濟卹之道固多端而養生喪死  
如養濟院漏澤園尤其大者我

朝自綏遠城設立駐防官兵以來於八旗滿洲蒙古有孀婦孤  
女銀米有四王莊地撥給墳塋於土默特有賞給鰥寡孤獨  
地畝租銀

聖恩至優極渥口外雖蒙民雜處而濟卹之典與腹裏郡縣亮  
無歧視惟歸化城地方寬廣人數衆多無業游民凍餒至死  
者不可勝計隆壽寺街開設窮民小店數十家乞丐者每夕  
出錢數文藉避風雪遇有疾病不能出而乞食同輩更無復  
憐卹輒拋置之寺前空地名曰大炕每氣息奄奄尚未斷絕

而負屍者已棄置漏澤園磚洞中其負屍之人若輩呼為灰  
堆終歲以此為業利取屍身襁褓鬻資糊口數人爭先擬拾  
而殘喘更無生之望矣言之寔深悽惻雖文王復起亦不能  
使膏澤普徧遐荒而因流溯源在禁止開設賭場一事蓋此  
間賭博場名錢注大小不一非若別處盈千累百方可入局內  
即無衣無褐者流備趁數十文或尋覓親友或沿街叫化乞得  
數錢希圖壓寶贏餘以毋博子且俗諺有一錢壓十寶十箇  
駱駝馱不了之語卒之來回展轉呼靈俱為出九入十者所  
得眼饒腹餓斷送一生無知愚民多墮其術而不悟是在守  
土者嚴加禁示勿俾為羅網之張并望各耆總廣立條規傳  
諭居民鋪戶但施予貧人米粥及破敝衣履毋於朔望日總  
施錢文自圖省事於若輩毫無裨益致施捨與不施捨等更

推廣濟卹之意設立育嬰全節等堂藥材棺木等局禁止鴉  
片烟館及各月典賣着身袂褲則歲終所全活者益衆矣復  
有各處流民客死無力歸櫬暫行寄埋數年后子弟親族每  
將屍骨火化成灰用囊橐馱携帶旋里旁觀者且以仁孝目  
之謂合於首卹之禮嗟乎生不能豈衣足養歿後復遭此焚  
燬之慘死而有知恐甘為餒鬼於他鄉未必願受此祝融之  
害也現擬請諸當事有犯者照毀屍例科罪至若陸放翁老  
學庵筆記謂宋時有不養健兒却養乞兒不管活人只管死  
人之謗則自致慨於軍糧之乏民力之窮識州郡官舍本而  
逐末耳豈謂養濟之院漏澤之園非善政耶

歸安識畧卷二十

崢縣張 曾小袁初輯

地部

村莊

歸化城東鄉一百一十八村

野馬園

黑土窩

秦家窰

古路板井

揀漢庫倫

什藍岱

奎素村

五路格雞板井

哈喇沁

甲賴板井

生蓋營

高獨立

討速乎

刨樹庫倫

同家營

倒黑楞

喬家營

布塔氣

羅家營

舍必崖

陳家營

哈喇直

麻花板申

烏爾不浪

東舍必崖

東本尔什

東討速乎

他布克力亥

小東溝

豪沁營

新營子

小揀漢庫倫

代州營

白塔

哈喇不炭

八太台什

什尼板井

朝尔亥

沙梁

板達什溝

却只亥

庙兒溝

後窖

保兒合部

東干只胡同

西干只胡同

西窖

白道子

郭家營

韓家營

一間房

旗下營

揀漢合部

斗金山

水磨上

前水泉

後水泉

工部板井

朝岱

山陰窖

腦色

買袋

老藏窖

十嶼牛營

小蘇李

西窖

二十家子

前苦計尔討号

後苦什尔討号

蘇木沁

好賴溝

五嶼牛窖

五十家子

二道河

石同子溝

頭道溝

二道溝

大同營

羅家營

秦家窩

頭道河

左家營

下拐角舖

高之連泰

大西溝

小西溝

太平莊

李廷貴窩

迭木岱

腦包溝

甲里岡

討号板井

神池窩

大成窩

松樹兒

蘇宗文窩

上拐角舖

王尔岱

羊郡窩

古力丰烏素

討不氣

可个板井

太平莊

黑沙岡

鉄密尔

新莊

霸坨岡

阿林章

豪沁營

二道河

鼓子板井

東什拉烏素

東黃合邵

公蓋泰

黑炭板井

麻什干雌老

朱海

南北毛不浪

歸化城南鄉二十八村

八里莊

溝子板井

大黑河

太平莊溝

百什戶

什拉烏素

沙尔沁

東西白廟

一間房

南豪沁營

達賴營

六旗牛營

羊蓋板井

前后三官

八拜營

噶尔圖

蓬松營

南把柵

橋扣兒

討号板井

喫不合氣

桃花板井

合尔圖

回子營

雙樹兒

雀兒報

東大黑河

東把柵

歸化城西鄉一百一十七村

畢齊克齊

色令板井

襖太

馬群營

二道河

哈兵達尔

一間房

討尔号

立藍巴圖

石門根

前雙樹兒

明安新營

後雙樹兒

黑沙圖

沙尔營子

章京營



西雌老氣

牛營

圪力圪台

牌樓板井

尔林岱

達賴丹壩

雞鳴圈

甲尔且營

朝忽喇

古尔丹壩

毛道營

達賴莊

討不氣

三間房

打尔架

西打尔架

台格木

栽生村

羊羔村

忽拉格齊

大力保

小力保

察素齊

把式板井

雌老氣

什報氣

牛營

什兵圪

大筆寫氣

楊家堡

禿尔圪生

宋家莊

揮漢桃賴

東壩子

白庙子

杜家莊

王家莊

劉家莊

田家莊

吳家莊

祁縣營

安占村

趙家莊

張家莊

并州亥

此間村落名亥者極多如柳只亥朝尔亥三類蒙古語不可解惟此并州亥似與南宮之并州亥同或以市力

亥與

大有莊

圖賴皇厚

補克圖

李家莊

四德堡

得勝營

白皮營

王筆寫氣

阿林轉

阿力拜

二庫倫

二王莊

三間房

蘇家莊

三兩莊

新營子

前後朱堡

甲喇爾

小洪洋

洪津橋

方家莊

唐爾伊恩格齊

小伊恩格齊

漆炭板井

腦木漢

積炭板井

新營子

南營子

北園子

昌盛營

鉄磨兒

舍爾達漢

三仙莊

孫篤利

南流海

插漢哈出

郭彥紅岱

白只戶

把都戶

他不浪

波厄

吃池

鎖号爾

承流兒

麻舍賴

那速圖

藍粘討合氣

蘇波力蓋

圪速貴

小圪答

毛腦亥

五更波

西河上

沙家營

胡家莊

史家莊

歸化城北鄉四十九村

西龍王廟

刀兒村

倘不浪

刀兒土默

烏素圖

胡塞口

白石頭

溝口子

掏毛氣口

阿由圪沁

水磨溝

噶尔十營

賴麻洞

黑牛溝

豬兒溝

東梨樹溝

西梨樹溝

什拉盟根

德板井

水泉子

梓漢板井

吳公壩口

焦贊墳

前店子

後水泉

色尔登

吳公台

烏蘭不浪

柳林子

強盤河

袁沁壩

磨茹窖

井兒溝

刺麻溝

東哈爾溝

克々伊力根

吉爾鬼都

阿路板井

栲漢布浪

克力素溝

十樹塔

烏喇圖力亥

七道溝

伯顏院亥

姜爾達溝

土壩子

萬家溝

蓬松營

老道溝

以上四鄉共二百一十二村

和林格爾東路

芍藥溝

距廳三十里

三家村

四十里

靴板井

五十里

前後壩村

七十里

大坡底

九十里

南路

五當溝

距廳二十里

三道營

三十里

白旗口

四十里

羊群溝

六十里

大紅城

六十里

大西溝

一百里

井兒溝 一百二十里

西路

二道河 八里廳 八里

黃花台寺 二十里

廠漢圪洞 五十里

甲賴兒村 六十里

同昌營 六十里

肯止背村 七十里

北路

哈達合部 十五里 廳二

燈樓素村 四十里

五壩胡同 六十里

狼尾巴咀 一百一十里

東南路

五松園魯 十五里 廳三

新店 六十里

八十家 九十里

東北路

克畧村 十里 廳五

公刺麻村 七十里

大溝內 八十里

西南路

下馬拉蓋 距廳二十里 紅砂口 五十里 一間房 七十里

大甲賴村 七十里 西庫倫圍 九十里

西北路

西石嘴子 距廳十里 南園子 十六里 下土城 二十里

上土城 二十里 頭鋪 二鋪 三鋪 三十里

託恩和村 七十里

以上四十村係和林格爾稍大村落其餘零星散戶每一成聚不過三五家多亦只十余家且聚散無定無房屋亦無村名不及彈述蒙古民人分域萃居者詳後

薩拉齊東鄉一百七十二村

西老歲營 東老歲營 麥達爾橋 麥達爾郊

蘇波羅蓋 習理齊 三卜樹 抗力根

孤雁村 托思和尔 什尼板升 道士村

下達賴 兔斜圖 忽拉格氣 上達賴

祝樂慶 托之岱 百子戶 多尔濟

大陽 雲社堡 泰將村 山根底

鄂塔爾板升 古录半毛獨 索塔爾肯 桃尔号新營

鉄門根 前茂箕梁 後茂箕梁 秦家營

北卜子 崞縣營 西伯顏揲漢 葛家營

榆次營 缸房營 打索令營 三眼井

四座茅庵 王基營 侯家營 任三

四竿旗子 三間房 雙樹兒 寔武營

張老五營 三格爾架 沙尖 白廟子

廟營 得勝營 丹津營 麻糖營

中麻營

王榮慶營

康四營

大夫營

杜守節營

王大發營

倒拉板井

郝訓營

榆樹營

盒子蓋

油房營

栢漢庫倫磴口

公蓋營

巧爾齊

黑拉烏素

黑拉烏素磴口

毛谷爾圖

善岱村

李樹村

根上村

安民村

弄州亥

章圪塔兒

杭蓋村

二道河

三道河

武鄉縣營

武鄉縣南營

戴貴寧

翔州營

木頭湖

太原縣營

七星湖

西河沿

繁峙營

郭廷貴營

糶牛營

長慶村

南壽陽營

北壽陽營

定襄營

永豐村

一間房

李明德磴口

後永豐村

陽祥營

劉富漢營

祁縣營



丁貴祥營

後荒地

雙水澗

孟家莊

五台營

劉家營

沙海子

小韓家營

賈家圪堆

苗四營

壯丁營

何四營

池六營

太平莊

刺麻南營

刺麻營

路三圪堆

安樂村

伊肯板升

獨立壩

工部村

大岱村

大岱西營

蘇家營

一間房

五豐村

萬成村

梁岩營

忻州營

濠堰村

七八兔村

平泉營

六合莊

南壽陽營

北壽陽營

富吉村

崞縣營

大水橋

魯家營

南諾爾

北諾爾

西諾爾

太谷營

阿不亥諾爾

西圪堆

八犍牛營

興勝營

東伯顏揀漢

龐家營

小秦家營

管胡營

姑子營

小姑子營

董家營

賈家營

什拉爾

阿素村

善友板井

腦穆漢

朝考爾

二十家

後善岱村

保同河

胡濟爾岡

黑沙岡

南營子

牛皮營

毛岱村

薩拉齊西鄉十七村

吳壩村

朱爾格岱

鄂爾格遜

巴拉蓋

土合氣

西薩拉齊

海岱村

阿善磴口

古城灣

臭水井

色頭鎮

梓漢腦色

同官村

黃草窪

毛鳳章營

公雞板井

鄧家營

薩拉齊南鄉五村

鄂克村

烏尔巴旗

章京營

偏園營

祁縣營

薩拉齊北鄉八村

多尔濟汎

沙北却尔

水洶海門

小棟漢庫倫

進村

板井器

馬流兒

黑麻板井

以上四鄉共二百二村

清水河東鄉五十二村

潘三窰十五里

雙台子廿五里

麻灣村同上里數

後營盤同後此

大井莊三十里

小膠泥溝

海子上

新莊窩三十里

前營盤

太平莊

北圪洞四十里

南園嶺子

黃土峒

雙墩子

老窩

石燦子四十里

韭菜莊五十里

石嘴子

西槽碾

石人背

火燒堰

膠泥溝 七十里

下柵梢堰

賈家村

西岔溝

大碣石 五里十

侯家塔

小石岩

樺樹溝

西台

趙帽梁 八十里

柳青村

大沙灣 八里十

緩泉梁 八里十

白馬路

長嘴梁

單台子 九里十

寬灘

韓家梁 九里十

清水河南鄉六十一村

小斗溝 二十里

打兒架 三十里

前北石券

後北石券

三眼井 三十五里

黃家營 四里

豐盛莊

大井村 五里十

杏葉村

火石山

二王墓

蒿艾梁

麻扇嘴 五里十

楊家川

楊家坪

長溝門

大王墓

大東溝

石梯子

雙石槽

火翅崖

寺兒溝 六里十

北溝村

下大路 五里十

破虎溝

洞兒溝 七十里

緩泉村

大成莊

滴馬水

石匣子

三黃岔

樺樹溝 七十五里

毛台子 八十里

前西水溝

後西水溝

蘆草溝

海子溝

營盤梁

蕨菜窩

棘針溝

南長渠

高樹子溝

石灣子

帳房溝

碓臼峁 八十五里

樺樹溝

碓臼窩

後三黃水岔

盤路峁 九十里

老榆樹莊

碓臼坪

二道窩

大莊窩

饅頭山 五十五里

西邊底

蓮花瓣

韓慶壩

南槽碾 六十里

太樺樹溝

北小樺樹溝

席麻溝

黑山子 七十五里

黃榆樹溝

灰泉

圈馬溝

雙樹子

樺樹梁

前杈把溝

前後園嶺

石灣子

榆樹溝 六十五里

海子堰

五通梁 七十里 鴉兒崖 石匣子 三岔河

碓臼溝 盆底青 八十里 南盛莊 北盛莊

夾榆溝 小泉子 九十里 北王家莊 南王家莊

前膠泥灣 黃榆溝 炭窰溝 九礮背 九十里

清水河西鄉二十三村

郭家溝 二里 人和莊 十五里 八楞溝 二十里 十八盤

四眼堡 泉子溝 裕民莊 廿五里 六棋牛

柏林峯 車廠 放牛溝 三十里 大同峯

上陽塔 半溝 三王墓 朝天濼 四十里

東梁子 韓家坪 樓子溝 石爍窪 四十五里

東土城 黑草嘴 黑樹梁 碓臼堰

傅家梁 腦包梁 小沙背 西溝子

土城坑洞  
棟木溝六十里  
五家梁  
廟溝

炭窑背  
樓濟  
岔河口  
上栅梢堰

前大井  
西嘴子  
前東岔  
後東岔

獲廟子  
沙堰五六十里  
杏花嘴  
焦胡兒坑洞

旗竿峁  
北堡  
花石甲  
小井子一百里

二十六口一百一十里

清水河北鄉三十三村

生地濟十里  
張果窰十五里  
黑龍驛二十里  
張五坪十五里

水泉子三十里  
刺麻廟  
善岱窰  
柿漢溝

胡德廣窰  
荒地果四十里  
魏公窰  
西棋牛窰

王桂枝窰  
獺兒壩  
已兒溝  
康盛莊五十里

廣濟莊  
鼓刀兒  
七墩窰  
下窰子

史蘭泰濟

粗糠寨 六十里

菠菜營

納鈴溝

薛家果

孔篤村 七十里

大庫倫

蘆草溝 八十里

黃圪洞

石莊兒 八十里

大西溝 九十里 達賴哈達

黑蛇溝

以上四鄉共二百九村俱載明距廳里數

托克托城東鄉七十三村

五十家村 缸房溝

黃家營 猷漢毛力蓋

西里沙圖 小五十家

黃家庫倫 常家營

東把柵 鹽匠營

加木架 東城拐

霍家圪洞 當鋪果

前狼窩壕 後狼窩壕

南火盤 辛家火盤

魯家火盤 芝之壕

東黑沙圖 滿水井

三慶營 什力圪圖



太歲營

黑水泉

沙坡寨

東大坑峇

沙坑堆

纏房

五台塚

天合美

山西庫倫

新營

范陳坦營

王房寨

樹兒坪

馬兒坑堆

老杜營

東崞縣營

租子地

合同營

黑城南門

黑城北門

馬四寨

沙河堰

石國輔營

鯨溝

田秉營

馬廠

阿林根

寶子營

高頭寨

九棋牛寨

盧溝濠

前哈達圖濠

苗家梁

興旺莊

大北寨

乃同營

北七寨

西大坑峇

屠家營

澄金庫倫

官地營

丁家營

張家庫倫

新什地

大庫倫

帳房坪

古紅岱

索家營

興旺堡

托克托城西鄉三十六村

五申村

黑爛板井

西間房

南窠子

李扁頭窠

七星湖

樹兒營

王連城圪堆

中灘

和尚營

碾子灣

斗林岱

張四濠

三蓋村

補環岱

大丹濠

扣克板中

晉陽營

西喇蘇營

什拉烏素濠

西崞縣營

迴莫板井

他布子

石老二新營

老官營

萬全店營

養大庫倫

城牆村

迴莫營

西把柵

忽拉格奇

董家營

武家窠

毛家營

作達岱

二通河

托克托城南鄉七十二村

河口

豆腐窰

荒地果

招灣

張二疤窰

皮條溝

紫墩墩

必令板井

花二坑台

噶尔岡營

蒲灘拐

毛不浪

姑子壕

徐家窰

小水泉

三堵牆

樹兜梁

臭水坑洞

馬車窰

刺麻灣

缸房窰

羊做

海參不浪

石峒子

小口子

烏蘭井

周家峒

王達子火盤

把土堰

青草堰

杜家濠

西灘

章京營

立俱牛溝

沙堰西峒

根達濠瀨

八楞灣

郝家果

紅廟

八拜溝

胡二窰

白漢廠

西庫倫

王林春窰

倒拉胡同

乃同村

三達利

腦色村

斗嘴村

小什旗牛

霍山寨

鐵西古鐘

八旗牛溝

靳家梁

牛上嘴

主谷泰

南濠瀨

李頂寨

西濠瀨

甲浪瀨

樊三溝

營盤梁

廠漢哈達

夏家圪洞

白草莊窩

石匠營

沙溝子

後哈達圍濠

細合寨

羊西梁

後什拉烏素

大什旗牛梁

飯舖堰

托克托城北鄉二十九村

園四寨

五把式崖

祝樂慶

喬輔營

東灣

南園子

什力登

台吉村

杜牛寨

田白營

韭菜灘

黑爛圪根

池布板井

朱什拉

奶子蓋

雞嘴營

南的力圖

東榮壽村

新帳營

西主力漢伯顏

西榮壽村

鄔家圪堆

蓋海子

荒地窩

河保營

劉家營

石人壕

狄四窩

白塔兒村

以上四鄉共二百一十一村

附錄咸豐八年各廳奉本道札飭查稟地方情形

歸化城

一廳屬東界察罕西界薩拉齊南界和林格爾北界四子部落

明安等旗周圍千里而近漢回蒙古粗邊外積習性貪而狡

氣粗以悍小則穿窬鼠竄大則搶劫橫行雖不時派役捕巡

而山北山南歧路百出外蕃部落最易藏匿匪徒盤查所不

能及近年每遇失事弋獲者十無二三此緝捕盜賊之難也

一廳屬每年人命案件絕不下二三十起實由風俗強悍之故  
此外尚有達爾漢等三旗命案亦歸歸化城同知驗訊辦理  
距城里數近則數百遠則一千余往返需時各該旗蒙漢人  
等均係游牧散居無鄉鄰聞見証據遇有拘喚差役即聞風  
遠颺或糾夥抗拒縱到案亦百般刁譎鮮得實情此等辦命  
案之難也

一廳屬五方雜處蒙古交錯命盜詞訟本極頗多自嘉慶十五  
年道光二十二年大青山後沙拉穆標招西開放牧地以來  
又添茂諾爾聚齊莊等數十村在前北鄉四十九村之外地戶爭訟更繁  
且蒙民交涉之案由副都統派委蒙員會審并有將軍都統  
本道暨撫藩臬衙門以別廳審解之案情罪未協飭委審辦  
者簡牘紛々如掃落葉每內有應質要証必須傳案訊究而

民無土著非暫回原籍即他出謀生累月經年拖延莫結此  
謝鞠詞訟之難也

一本廳監獄人犯秉四子部落達爾漢茂名安三旗為數已自  
不少又有外藩齊々爾里克一盟并克魯鄂城車臣汗等旗  
命盜重犯亦均寄禁再遇秋審之期暨各廳照例報解之犯  
蒙本道飭發收監者統計約數百名稽查稍有未周變端每  
出意外此防範監獄之難也

一緝盜安良莫過於保甲之法屢奉憲檄飭令實力遵辦無如  
廳屬地方情形與內地不同除本城及附近村莊尚能遵照  
憲定章程辦理外其離城寫遠之處多係無業游民遷移靡  
定并有搭蓋窩舖隨地牧畜一處水草淨盡旋往他處謀生  
此輩草野性成一丁不識縱極力勸誘仍復置若罔聞而欲

使之懸門牌造戶冊填寫循環簿籍是猶張謇者而使視張謇者而使聽也此  
編查保甲之難也

和林格爾

一廳屬周圍計六百餘里不論大小村莊有無名目共二百二十八處其蒙古村  
莊一百四十四處多係口內忻代等州祁崞太原太谷陽曲大同左雲平魯等縣  
民人租種蒙古地畝在內居住其民人糧地村莊八十四處無蒙古在內

一廳屬官地共三千二百二十五頃六十二畝五分五厘七毫額徵本色米三千二百

六十五石四斗九升八合四勺銀折米二千三百二十二石二升九合七分  
此係尾數與  
日賦內微異

一廳屬立旂畝地共七百二十五頃四十八畝額徵銀一千二十三兩三錢七分三厘隨

徵耗銀五十兩六錢六分三厘  
銀數由田賦  
內不合俟考

一廳屬蒙古畝地共二百八十頃九十三畝六分四厘額徵銀

五百四十六兩六錢七分四厘  
與田賦  
內同 人鰥寡孤獨蒙古地



六十六頃九十五畝額徵銀七十七兩七錢五分一厘

田賦無

一和廳曰係南北衝塗自成豐四年寧遠廳新聞東路客商利其捷徑俱由東路行走以致此間生意蕭條而官差仍繞故道支應絡繹不絕曰開設典當舖二十七家現僅十二家曰開設粟店九家現僅三家其他舖戶可知

一和廳徵糧官地多在山坡五旗蒙古廠地雖在平川而土脈硠瘠異常其先墾種時均賴浮面肥土尚堪滋種嗣後愈耕愈瘠收成日歉每畝種子二升約收二斗前種黍稷油蔴等麥近被沙土擁蝕多種蒿子秋收益薄催徵益難柔以口外地寒三四月間青黃不接上忙徵收不過具文下忙追呼稍急種地者輒舍戶逃走催科之難較他處尤甚

一和廳除物阜等里及五旗馬廠并無蒙古吃租地畝余俱係

蒙古戶口地租給內地民人耕種相沿日久轉租與別人者多原契既不相隨新契又極草率只載一條一段無坐落方向無四至兩鄰無確實故數甚或以後種樹木指為四有相連空地越畔新聞興訟紛紛聽斷者最難得實

一和廳村落多係土牆間有並院牆俱無者宵小最易生心賴以民戶瘠苦穿窬尚不多見惟馬上盜匪三兩同行蒙回莫辨常為行路者害遇有官人盤詰則詭稱販馬見掖身行客輒下馬搶奪廳東南山路險阻多可藏匿西北平原曠野一鞭十里追捕無從雖派役往來梭巡緝捕實未容易

### 薩拉齊

一薩廳柔管烏喇特三公達拉特貝子札錦旗郡王等五部周圍數十里過有命盜重案俱歸薩廳辦理往返勘驗經旬累

月艱長莫及未免有顧此失彼之虞此不特內地州縣所絕無即口外各廳亦未有如是之幅員遼濶者也

一聽屬糧地各村濱臨黃河每年春夏秋三季河水漲發輒將沿河堤壩衝決致受水患必須屢年興修工費頗鉅民力十分疲困甚至藉口堤工經費輸納不能以時縱遇豐收其糧銀尚多拖欠凶歲更不待言此催科甚難而撫字亦正不易也

一薩廳本境周圍五六百里蒙古漢回五方雜處並無土著居民其情形與歸化城畧同然三面毗連外藩浸淫濡染較歸化城人情更覺刁野其叢民交涉案件人証最難傳集蒙古則必須咨提外藩每多袒護寄民則私自逃匿原籍無從因查縱使一一喚齊又須詳請副都統派委蒙員會審其中棘

之處非筆墨所能縷述此訟獄之難於聽斷也

一薩廳為黃河入中國南流之始其上流自甘省至外藩各旗界內及河套等處曲折一千余里始流入境兩岸時有賊匪潛匿出沒無常凡有往來船筏該匪等阻攔訛索肆行劫奪如馬成彪李錦各案常々而有現雖多派幹役咨會各旗嚴行緝拿河路尚稱靜謐然未敢永保無虞此賊盜之難於捕緝也

一廳屬外藩蒙古招集民人私墾地畝動輒聚眾乘間搶劫滋事遠則有王大均等爭地械鬥近則有烏拉特西公旗槍斃民人多命一案至今未結其餘命盜重案層見迭出多出尋常情理之外一時未可枚舉較別廳尤為繁劇固極難見效

清水河

一清廳村莊除四鄉總計二百九村而外其零星無定名者尚有一百七十七處共三百八十六處或五六十里始見一村或一里數村一村僅兩三家居住並無紳士富戶商賈亦甚寥寥

一清廳四面皆山其地畝即就山坡墾種遇有大風則浮沙壅積山水衝出則土盡石露其地最為磽瘠不堪耕稼原墾上中下地一萬三千四百餘頃額徵正耗銀三萬五百九十餘兩嗣地戶陸續潛逃於嘉慶二十五年道光元年奉部令豁除至今計地八千一百五十一頃額徵銀一萬七千七百餘

兩內有逃戶棄地糧銀七千餘兩業經詳請委勘咨司咨部尚未覆准豁除奏銷處分俱照口內地丁計算分數與別廳

不同催徵固難督催亦甚不易

托克托城

一查廳屬地多沙鹵民鮮蓋歲歷年糧未每多拖欠現今各里糧  
長日立限狀按卯交納量予獎賞懲責俾知感畏得早完解或  
不至有誤奏銷

一查民間詞訟之興約有數事小則錢債細故大則戶婚田產  
托聽訟獄頗簡眾牙在角立時可定曲直惟蒙民交涉地畝  
事件往往纏葛難清遇有此等呈詞除親詣勘視丈量明確  
外並須咨查歸化城土默特戶司檔冊令四至界址瞭如指  
掌方足以折服其心且照例申請副都統添委蒙員會審諸  
多掣肘

一查準噶爾一旗係托克托城與和林格爾分管其兩廳分界

處所無明白案據唯聽該旗自認以致遇有重大案件輒互相推諉擬請道憲會同副都統將兩廳分管之處明定章程划清界址庶有事則專其責成平時亦不至漫無稽查似一舉而數善備也

按卷內各廳村莊有名可指者九百七十四村其余零星處所未經載入者又當在三分之一和林格爾清水河稟詞可驗也其名之稍存古昔者十無二三余皆蒙古俗語詰屈聱牙借音成文無一定字義則其俗之樸野可知矣各廳所稟情形俱數年未目睹身圖毫無增飾官制內所附鐘觀察上撫憲書尚多採取其說昔人言不過盤根錯節不足以覘利品如肯明王文成之於龍場驛我

朝于清端之於羅城縣其難治更十倍於是也王文成換瓦五

書一部曰支諸苗誦愛親敬長之道諸苗咸知慕悅于清端  
初抵羅城無眠食之地其視羅城民如子弟故民亦愛之如  
父母至於此間居人互方雜處初不始於今日漢書地理志  
定襄雲中五原本戎狄地頗有趙齊衛楚之徒其民鄙樸少  
禮文好射獵寰宇記云自代北至雲朔等州北臨廣野封畧  
之內南北錯居其風自古如是願此一年成聚二年成邑三  
年成都利之所在群起而趨焉者夫非猶是天壤間熙々攘  
々之衆哉橘踰淮而為枳鳩既秋而為鷹未聞人出乎邊城  
之外盡變而為惡也雖耳濡目染一齊之傳不足以敵衆楚  
之咻亦惟上之人以化外視之斯民亦甘自處於化外耳吾  
聞之教民之道莫大於學校仿民之法莫嚴於保甲學校之  
設非大有力者不能成其事若保甲則隨時可行隨地可行



不能行諸遠也先行之於近不能行諸蒙古村莊也先行之於農民村莊由城而鄉由大而小勸懲兼用逐漸以施其始也無畏難無懼謗無惜小費其健也無厭煩無滋擾無始勤終怠行之久而難者易煩者簡擾者安謗者息矣譬諸飲藥其始未嘗不以為苦口也健而與病投焉久而病悉去焉剛人皆信其為良藥而為醫者之不用是懼保甲之法非數月無以見其功奈何并此數月而不能待耶他如詞訟傳喚盜賊緝捕春秋催徵之難皆可於保甲一以貫之前於托克托城所稟令各里糧頭自立限狀按卯度納之說未及面詢其詳近即數語反覆思之似與錢塘吳潛竹檉牧濟錄中所損

益滾單之說最為相近

滾單法不用差役不用里長大約每單之內戶以五十糧以百兩為則將

花戶一年錢糧定為上下五分作二十限完納上五分十限下五分十限查單內銀數多者為單次傳催一限如將本

身錢報限內早完足即詳將單交與汝多之戶接催然其  
如初限不完罰催下限不完責德協等比追

法寶與保甲立為表裏保甲法各政治書俱有之在因時變  
通耳粟必勤心有言保甲格式其為

匪者鄉民不取指實但注無業二字即可分別予謂無業二  
字亦不必注蓋四民俱有行業此戶獨不着一字已自曉然

吳君自言查定保甲時雅僻小村巷亦必親歷無遺爰將各

大小村莊區分數十處每處繪圖一頁彙為一冊將村名道

路山川橋梁堤岸古蹟名勝寺觀廟宇及四面交界之地皆

詳繪圖內縱橫里數戶口幾何其形勢之平險村落之疏密

地畝之肥瘠河堤之通塞亦附記焉時一展卷瞭如指掌是

即識畧村落一門不憚瑣屑必書其名目之意也上之人本

吳君之法以求之安見王文成于清端之治不再見於今日

與桑梓小民跂予望之

歸綏識畧卷二十一

崞縣張 曾小表初輯

地部

卡倫

土默特界內大青山前原設卡倫十一處

翰滾卡倫在歸化城北二十里

哈刺沁卡倫在城北三十里距翰滾東二十里

鄂奇特卡倫在城東北四十里距哈刺沁二十里

烏里雅蘇台卡倫在城東七十里距鄂奇特三十里

和林格爾卡倫在城東南八十里距烏里雅蘇台三十里

珂埒庫卡倫在城西北八十里在翰滾西八十五里

特門庫珠卡倫在城西一百四十里距珂埒庫六十里

夏魯第卡倫在城西二百里距特門庫珠一百二十里

蘇勒哲卡倫距城二百五十里在夏魯第西五十里

烏達卡倫距城三百里在蘇勒哲西五十里

察漢鄂博卡倫距城三百四十里在烏達西四十里

以上十一處係乾隆十九年奏設每月輸派土默特官各一員  
兵各五名巡防賊匪每年十一月間將軍委派滿營官兵稽查

大青山后新設卡倫十六處

色爾德恩

哈魯勒

哈拉托羅蓋

哈拉和碩

以上四處係嘉慶十九年奏設每月一處派土默特官一員

兵十五名輪流巡緝賊匪每月官給銀四兩五錢每兵月給銀三兩

韓滾特克

庫特依

特勒木圖

以上三處卡倫係道光十二年奏將回設胡雅克圖等三卡土默特官兵移駐其韓滾特克一卡與察漢庫圖勒滿洲卡倫按月輪班對調官每月給銀四兩兵每月給銀三兩

克勒濟

此一卡倫係道光十二年奏設責成土默特公專管每月派台吉一員阿勒巴圖十名輪流巡緝台吉每月給盤費銀三兩阿勒巴圖月給銀一兩五錢

哈布塔蓋

沙拉哈達

以上卡係道光三年奏設每卡月派延壽寺格斯貴一名黑徒  
十名輪流巡緝其月給盤費銀兩由綏遠城旗庫支領

烏爾胡都克

烏爾諾爾

以上二卡係道光十二年奏設今延壽寺呼圖克圖自備資斧  
派黑徒十名巡防賊匪

莫多沁

巴彥布拉克

胡雅克圖

察漢庫圖勒

以上四卡係嘉慶二十二年奏設由綏遠城八旗內每處派官一員兵十五名輪流巡緝每月官給銀四兩五錢每兵月給銀三兩

烏爾察布一盟六旗與土默特接壤安設卡倫共十二處  
四子部落五卡

達爾漢三卡

茂明安一卡

烏拉特東西中各一卡

按卡字後人所造古人書未有之字彙補作從納切音雜解云楚屬閩隘地方設兵云塘謂之守卡今讀如克雅切亦如七雅切大約取不上不下之義故合而成文也卡倫之稱近世設國稅廳稽察者多用之仍以成私越免偷漏耳紀文

達心園做草堂筆記中曾兩見之一自注曰咸寧瞭望之北  
一曰軍營瞭望之名俱在烏魯木齊等處與此向所設正同  
蓋要路所經所以巡緝賊匪或移駐或添設與內地墩鋪畧  
同與抽收厘稅者迥異如冬月銜途州縣必添設更棚窩鋪  
護送行旅上司必委員察驗亦未始非善政之一第奉行日  
久無不視為具文甚且勒索行人或錢或貨較國稅尤急必  
滿其欲而後已又甚則公然聚夥槍劫財物禦暴為暴其害  
且不勝言矣又豈當日設卡者所計及哉



